

NAKONA A WU SWITIVI

 Ndza ku khensa, Makwerhu Neville. Hosi a yi ku katekisi. Ndzi nghene eka swin'wana, xana a ndzi nghananga? Ndzi lava ku khensa Hosi, kahle swinene, kuva yi sungurile ku tirhana na jaha ra Makwerhu Capps. Ntsena swi humelerile tano leswaku lowu i nkarhi nyana laha ndzi vuyeleke eIndiana. Ndza switiva leswaku a va le ku swi kandziyiseni leswi; ndzi tshembha leswaku a va le ku swi endleni. Swingaleswi a ndzi voni munhu endzeni lahaya, kutani va...ndzi vuyile eku hloteni ka vamaxinjani. Swingaleswi ndzi vhumbha leswaku Charlie u ta fanela ku ndzi tiyisela, yena na Nellie, na vona ehansi eKentucky, sweswi eka siku kumbe mambirhi, ku hloti vamaxinjani. Swingaleswi, swi nga antswa ndzi hundziwa hi xin'wana na xin'wana, muxaka wun'wana wa micingiriko ya vuhungasi, kutani ndzi ta lahawani hi...kwalomuya xikarhi ka Mawuwani, ni kuya eku hloteni ka vamaxinjani na Charlie na Banks, na hinkwavo ka vona. Swi tani hi nchumu wa ntoloveloo eka mina. Swingaleswi ndzi tekile Joe...

² Loko hi ri lahawani nkarhi wun'wana, munhu un'wana ni un'wana u khomiwile hi vuvabyi, ku cinca kusuka eka ntshamelo-maxelo lawa yo hisa swinene kuya ehansi eka lawa—eka lawa yo hola maxelo lawa mi nga na wona lahawani. Ndza switiva leswaku mi ehleketa leswaku leswi a hi ku hola, kambe mi ta kan'we eArizona. A kuri dzana na nkaye endzhutini loko ndzi sukile mixo wun'wana; kutani exikarhi ka vusiku, ni vusiku, loko moya lowo hola wu hunga kusuka etintshaveni, a ka ha ri makume nkaye-ntsevu. Ahaa. Wa vona, sweswo a kuri exikarhi ka vusiku, loko moya lowo hola wu hunga kuya ehansi. Swingaleswi ka...Ndhawu yaleyo yi kahle hi nkarhi wa xixika, kambe i ya swipame ni minkolombyani hi nkarhi wa ximumu, ku nga ri vanhu. Ambi kuri swiharhi hinkwaswo swi balekela etintshaveni. Ntsena swi ngaka swi nga ku yimeli.

³ Nakona a ndzi humile ni ku balesa xibalesa xa mina lexintsongo endzeni. Ndzi...Hi mukhuva wun'wana ndzi lava ntsena ku mi byela hi mayelana na xijahetana xa ka Capps. Kutani ndzi teri...Nakona, Joe, ndzi ta fanela ku n'wi nyika xibalesa, hikuva a nga balesela ku ndzi tlula. Hi xi ringetile, kutani a ndzi—a ndzi belela swipikiri eka makume ntlhanu wa majarata. Nakona ndzi ku eka—eka Joe...Joe u teri, “Papa, ndzi pfumela leswaku a ndzi ta swi endla sweswo.” Nakulorhi lontsongo wa xisiwana a pandziwa hi nhloko. A ndzi ri eku n'wi khongeeleni, ku hisa ka miri lokukulu. U humile a ya endhawini yo ringa swibalesa na mina, kutani ndzi...

⁴ Mbhovo wun'wana na wun'wana wa mbirhi ehenhla ka khume eka xibalesa xa makume mbirhi-mbirhi, wu tsemakanya ndzelekanwa ku balesa eka makume mbirhi-ntlhanu wa majarata; wu va kona nakambe eka makume ntlhanu, ntsena hilaha ku fanaka, loko wu ri mbirhi ehenhla ka khume. Swingaleswi...Nakona ndzi xi balesile eka makume mbirhi-ntlhanu wa majarata. Swingaleswi a ndza ha ri na swipikiri swimbirhi swo tatisa kutani ndzi swi vekerile, nakona loko Joe a nga belelanga swipikiri ha vumbirhi! A ndzi nga ha ri na swipikiri swin'wana, kutani ndzi vekele xiphemu xintsongo xa tuva ra khale ra vumba leri ri fayekeke lahaya, leswi vabalesi va minthamu va balesaka swona, ntsena kwalomu ka kota ya inchi ku tsemakanya, ni ku xi korola eka makume ntlhanu wa majarata, nakona u xi tsemile kuva tihafu timbirhi. Kutani xikopu a xi vekeriwe mahlo ya mina, ntsena malembe nyana ku tlula yena. Swingaleswi u teri, "Wa swi tiva kuri i yini? Ndzi fanela ku hundza ni ku byela Billy kuva a suka eminkondzweni ya mina kusukela sweswi." Wa vona? [Makwerhu Branhams na nhlengeletano va hlekä—Muhleri.]

⁵ Kutani, kutani ndzi teri, "Hi swona, ndzi ta ku byela yini," ndzi ku, "a hi rheleli hi ya komba Makwerhu Norman sweswo."

⁶ Ndzi teri, "Joe, eka miphikizano ku tsemekanya misava, a ndzi na mhaka na leswaku ku nga va mani, kuhava munhu..." Sweswi, swipikiri a swi nga beelekelanga ematlhelo, a swi beeleke swi nghena swi lulamile. Nakambe xiphemu lexiyani, a xi nga helanga, ndza vhumbha, kotara ya inchi, na ku bumbula hi ka khume ntsevu, na kotara ya inchi ku ya ehenhla, u xi tsemile kuva tihafu timbirhi, eka makume ntlhanu wa majarata. Ndzi teri, "Ku hava na un'we emisaveni loyi a tava a balese ku antswa. A va ta swikota, tingwazi, a ti tava ti endlile nchumu lowu fanaka, kambe a wu tava u nga baleselanga ka nharhu ku antswa kuthlula vona." Swipikiri, a swi nga bendangi, ntsena mbhovo wo lulama ku hundza hi phepha laha xipikiri xi hundzeke hi kona. Kutani ndzi teri, "Kuhava na un'we loyi a tava a endlile ku-ku balesa ko antswa." Swi lulamile. Ndzi ehleketa leswaku ku pandza ka nhloko swi n'wi sukele xikan'we-kan'we.

⁷ Kutani ndzi teri, "Hi swona, a hi yeni hi ya n'wi komba Makwerhu Norman leswi," loyi a tirhelaka *Field And Stream*, ndhawu ya Makwerhu Tony Stromei ya tinhundzu ta swa mintlangu.

⁸ U teri, "A hi hundzeni hi le ka Billy ku sungula." A ku, "Ntsena ndzi—ndzi lava ku byela Bubby swin'wana." Wa vona? Nakona, hi ntiyiso, boti wa yena a nga si tshama a endla sweswo kahle. Kutani u teri, "Hi hundza hi kwalaho ku sungula."

⁹ Nakona ntsena loko ndzi fika erivantini, Billy a ha ri eka tibijama ta yena. Kutani a ku...hi hatlisile hi rhelela,

hikuva ku hisa ngopfu. Swingaleswi u teri... Riqingho ri rila. Kutani ndzi ku... U ndzi langutile ku kotisa sweswo. Ndzi ku, "Kumbexani i riqingho ra vuvabyi." Nakona a kuri Makwerhu Capps mayelana ni jaha ra yena, ekamareni ya vuhandzuri nkarhi wa kona, hi pheritonitisi ni leswi saleke. Swingaleswi sweswi u ndzi byerile leswaku jaha ra yena ri le ku holeni swinene, kahle swinene.

¹⁰ Kutani, ma swi vona hilaha Xikwembu xi tirhaneke na sweswo, hambi kuri eritweni ra mufana lontsongo, Joe? Ematshan'wini yo rhelela eka Makwerhu Norman, a hi tava hi ngari kona lahaya, ni ku humelela. Kutani Makwerhu Capps na mina hi hlanganile swin'we. A ndzi vuli leswaku i swikhongelo swa hina leswi swi endleke, kambe swi vurile swin'wana eka yena kuva hi hlanganile ku kotisa sweswo. Nakona, hi ntiyiso, sweswo hi leswi... Loko mi ri na—mi fanele kuva na ripfumelo eka leswi mi swi endlaka. Wa vona? Nakambe, leswaku, ripfumelo ra yena hi ku ba riqingho, nakona Billy a ri...

¹¹ A vari eku hoxeni ka mali. U teri, "Lowu wu tava wuri mpfhuka wo leha swinene," a ku, "a ri eku hoxeni ka cinci ley lavaka ku ringana na ntlhanu wa tidolara, eka tinharhu... eka riqingho ra timinetse tinharhu." Swingaleswi a ndzi ehleketa leswaku ri tava ri huma eNew York kumbe ehandle eka xin'we xa swihlala kumbe swin'wana. Kambe u endlile riqingho ra munhu kuya eka munhu, ku kuma Billy ematshan'wini ya Loyce, ma swi vona, kutani sweswo hi leswi swi n'wi tekeleke swona ku swi endla.

¹² Swingaleswi sweswi jaha ra yena ri le ku holeni. Makwerhu Capps u teri dokodela u n'wi nyikile ntshembho wuntsongo ngopfu wa ku ta huma eka byona, ma swi vona, kusuka eka vuhandzuri. Kutani hi khensa Xikwembu mixo lowu eka leswi, hi tsakile swinene hikwalaho ka swona.

¹³ Sweswi, hi nghenile, hi matakuxa mixo lowu, nakona ndzi vile na tiawara tinharhu ta ku etlela, nakona—nakona ndzi karhele swinene. Kambe loko kereke...ku fika nkarhi wa kuya ekerekeni, hikokwalaho ka yini, ndza rhelela.

¹⁴ Nakona loko Hosi yi swi rhanda, sweswi ndzi fanele ku rhelela eKentucky, tani hilaha ndzi swi vuleke. Kutani ndzi tshembhisile ku vulavula Sonto wun'wana loko ndza ha vuyile lahawani, swingaleswi ndzi fanele ku swi endla eka Sonto lowu wu taka, hikuva lowu wu landzelaka ndzi tava... ndzi fanele ku tlhelela endzhaku. Hikuva ndzi ya ekule nakambe, ehenhla eCanada. Kutani swa antswa ndzi—ndzi swi endla eka Sonto lowu wu taka, ni mixo wa Sonto lowu wu taka.

¹⁵ Kutani Makwerhu Neville u teri, "Hikokwalaho ka yini u nga humi u ya xeweta vanhu, ni ku vulavula na vona ntsena timinetse tintsongo?"

¹⁶ Ndzi ku, “Makwerhu Neville, a ndzi se pfula na Bibele ya mina, ni swintsongo.” Ndzi ku, “Ndzi . . .”

¹⁷ A ku, “Hi swona, huma u famba kutani u ya vula swin’wana eka vona.” Nakona, Sesi Neville, a—a—a ndzi switivi leswaku u swi endlisa ku yini. I nakulorhi wa nsindziso swinene. Kambe loko . . .

¹⁸ A ndzi kumi nkarhi wo vula leswi loko ndhawu leyi yi tele hinkwako, yi tshitshinganile, na hinkwaswo, kambe ndzi khensa swinene eka Xikwembu hikwalaho ka mufundhisi wo tani hi Makwerhu Orman Neville. Wo tshembheka, wo tshembheka ntsena hilaha a nga swi kotaka, eka Xikongomelo, nakona a ndzi si n’wi twa a ri eku gunguleni. Ndzi tshamile endzhaku lahayā . . . ndzi vile na burisano wa kahle wo ringana hafu ya awara na yena loko ndza ha tiphina hi Makwerhu Mann, swingaleswi ndzi ta n’wi byela swotala mayelana na sweswo loko hi fika eColorado lembe leri. Kutani loko hi ri karhi hi tiphina hi hungu ra yena, nakambe ndzi vile ni burisano wa kahle na Makwerhu Neville. Ndzi teri, “A ndzi kali ndzi swikota ni ku byela vanhu nchumu mayelana na mufundhisi wa hina wa kahle.” Ndzi ku, “Xana vanhu va ku khoma kahle?”

A ku, “A swi nga ta antswa kutlula swin’wana.”

Kutani ndzi ku, “Hi swona, sweswo hi leswi ndzi tsakelaka ku swi twa.”

¹⁹ Loko mufundhisi a enerisekile, na vanhu va enerisekile, swi endla kereke ya kahle swinene, kutani Xikwembu xa eneriseka. Nakona ndza ehleketa, kuva vona va enerisekile kun’we, ngopfu-ngopfu esikwini leri ra Hungu leri hi ri rhwaleke, ndzi ehleketa leswaku sweswo swi kombisa ku yisa emahlweni ka Hungu hi vanhu ni hi Xikwembu. Wa vona?

²⁰ Nakona ndzi khensa swinene ha Makwerhu Orman Neville, ni nsati wa yena wa kahle ni ndyangu. Nakambe ndza khongela leswaku Xikwembu xi tava hlayisa va va lava va tshembhekaka eka Xona ni Xikongomelo. Kutani loko swi Xi tsakisa, a hi veni hi yimile lahawani eka tabernakele loko Hosi Yesu a hi tela, ma swi vona, ku hi vutlela ekule eku Tlhandlukeni. Hi tshembha leswaku ha vumbirhi hi dyuharile, Makwerhu Neville, leswaku un’wana u ta vukarha lowun’wana hi voko rin’we, hi yima lahayā hi tinhonga ta hina, hi ri karhi hi ringeta ku khomelela. Wa vona? “Kutani hi ta cinciwa, hi xinkadyana, hi ku copeta ka tihlo.”

Kutani tinguvu leti ta khale ta nyama ti ta
dzudzeka,

Ni ku pfuka ni ku tamela hakelo leyi yi nga
heriki,

Ni ku huwelela loko ku hundziwa hi le
moyeni,

“Famba kahle, famba kahle,” awara yo
tsokombela ya xikhengelo.

Hi tava hi yile ehenhla.

²¹ Ndzi twile hi mayelana na ku horisiwa ka Makwerhu Coomers hi Hosi, nakona ndzi tsakile swinene eka sweswo. Swingaleswi i swilo swo tala. Swingaleswi ndzi tsakile kuva lahawani mixo lowu. Nakona a ndzi ehleketa, ematshan'wini ya...

²² Ndzi tshamela ro ta lahawani na tsalwa ro karhi, ni ku vulavula. A ndzi ehleketa leswaku ntsena ndzi ta—ntsena ku humela ehandle mixo lowu. Kutani ndzi teri, "Makwerhu Neville, ndzi ta langutisa wachi hi ku olova, nakona kumbexani ndzi nga ntshuxa vanhu kahari na nkarhi, ni ku vulavula na n'wina kusuka embilwini ya mina, timinetse tintsongo; ntsena swilo ntsena, leswi ntsena hi nga na swona... Ee, a va le ku swi thepeni kumbe swin'wana, swingaleswi hi va na xinakulobye ntsena loko kuri ni vanakulorhi va kereke ntsena lahawani, ma swi vona, hi ri hexe kun'we."

Kutani a hi khongeleni.

²³ Yesu loyi a rhandzekaka, ha Ku khensa eka nkateko lowu hi nga na wona wa ku hlangana kun'we lahawani. Nakambe, oho, loko ndzi tava ndzi langutile ehenhla ka tabernakele leyi emixweni lowu, endzhaku ka loko vusiku, byi hundzile, ndzi anakanyile hilaha U yimeke hi yona.

²⁴ Nakona ndzi ehleketa hi tiva lerintsongo ra khale leri a ri ri lahawani, na nhova leyikulu ya khale leyi a yi yimile, kona lahawani phulphiti yi nga kona. Tani hi xijahetana, ndzi—ndzi yimile lahawani. Nkul. Ingram u vule leswaku hi nga kuma ndhawu ntsena hi mali yintsongo, ni ku hakela swin'wana ehansi; nakona ehandle ka mali, ku hava xo tiyisisa ku hakela, kumbe ku hava xo xi nyika, kambe ku ringeta ntsena. Hilaha yona yi nga hakona, kutani, tani hi nxavo lowu heleleke a yi ri swintsongo ehenhla ka magidi mbirhi wa tidolara; na makume mbirhi wa malembe ya ku yi hakela yi hela.

²⁵ Kutani sweswi, Hosi, yi langutisi sweswi! Nakona loko ya hari emasunguleni ya yona, loko ya ha tshamile egojini lahawani, mati ya halakela endzeni ka yona; hilaha U hi tshembhiseke, hi Rito: "Hi mina Hosi loyi a yi byaleke, Ndzi ta yi cheleta vusiku ni nhlikanhi, leswaku un'wana a nga yi vutli emavokweni ya Mina."

²⁶ Hi nkarhi lowu wu fanaka, vanhu va ku, "Ku nga si hela ntsevu wa tinhweti, yi tava yi hundzuriwe garaji."

²⁷ Kambe hi ku ya hi ntiyiso magidi ya mimoya yi kumile Kreste lahawani alitareni. Nakambe tabernakele, vukhuvuri byi yile hilaha ku nga cinciki... Vanhu va khuvuriwile hi Vito ra Hosi Yesu; ku vitana Vito ra Yena, ku hlantswa swidyocho swa vona. Madzana ya swilema, lava xanisekaka, mabofu, lava nga fambiki, lava va khwitaka, lava va dyiweke hi

mfukuzani, va sukile va famba eka platifomo ley; va nghenile, va ri ekufeni, vavanuna ni vavasati, majaha ni vanhwenyana, nakona va humile ku ya hanya vutomi lebyintshwa, ni nyama yintshwa emimirini ya vona, ni ku tlhela va famba nakambe; va siya switulu swa vona swa mavhilwa, tinhonga, ni swin'wana. Oho Xikwembu, makume nharhu wa malembe lawa ya ku tirha!

²⁸ Tatana, ndzi tsundzuka mixo lowu hi vekeke ribye ra yinhla. Nakona U nyiketile xivono lahaya, lexi xi kombiseke ndhawu, ley iyi taleke ni ku tshitshingana, yinhla yo saseka; a—a ndzi switiva leswaku sweswo a swi nga ta tsandzeka. Swingaleswi ndza Ku khensa eka swilo leswi hinkwaswo.

²⁹ Vunyingi bya vona va hetile ku lwa nyimpi leyinene, ni ku heta xikongomelo, ni ku hlayisa Ripfumelo; va etlele lahaya, va rindzela, va wisile sweswi eka mintirho ya vona, nakona mintirho ya vona yi le ku va landzeleni; va rindzerile awara ya ku biwa ka mhalamhala, ni ku hluka nakambe eka vutomi lebyintshwa, miri wuntshwa. Vunyingi bya vona i va khale ni ku dzudzeka, van'wana hi lavantsongo, va malembe ya le xikarhi, ni swin'wana. Kambe Vito ra Wena a ri dzunisiwe eka hinkwavo.

³⁰ Sweswi hi yimile lahawani nakambe, emahlweni ka—ka lava va hanyaka ni vafi. Ndza khongela leswaku U ta tota Marito ya Wena mixo lowu. A ndzi tivi nchumu na wun'we wo wu vula, kambe ndza khongela leswaku U ta phakela sweswo, leswi U swi endleke hi minkarhi hinkwayo, Hosi.

³¹ Katekisa mufundhisi wa hina, Makwerhu Neville, nsati wa yena. Katekisa matrasti, komiti ya madiyakoni, xirho xin'wana ni xin'wana xa miri. Ingaku, kun'we, hi hanya tano evuton'wini lebyi, leswaku evuton'wini lebyi tako hi tava ni Vutomi lebyi nga Heriki.

³² Hi pfuni emixweni lowu ku teka mindzulamiso eka Moya na Rito, leswaku hi ta ti lulamisela loko hi ta suka eminyangweni mixo lowu, hi ti yimiserile etimbilwini ta hina ku hanya vutomi byo antswa kutlula lebyi hi veke na byona enkarhini lowu wu hundzeke. Ha swi kombela hi Vito ra Yesu. Amen.

³³ Sweswi, ntsena ndzi—ndzi pfurile Bibele lahawani, nakona swi endlekile eka timinetse tintsongo leti ti hundzeke. Ndzi le ka Nhlavutelo 3, kutani ndzi ta hlaya ntsena lahawani, eka—eka Hungu ra Kereke ya Laodekiya.

³⁴ Nakona ndzi lava ku tivisa, nakambe, Makwerhu Neville a ri eku ndzi byeleni; Makwerhu Parnell, tani hiloko ndzi langutile ehansi ni ku n'wi vona a tshamile laha, u le ndzeni ka—ndzeni ka mpfxelelo, ntsena tlhelo leri ra Memphis. Eka ti—ti... un'wana na un'wana wa n'wina wa ku tiva lahawani Wimpy ya khale, xitandi xa hamburger a xi kumeka kona, u na—na tende leri ri tshameke lahayani, ku ringeta ku tisa

swikatsa ni ku kuma loko kuri na van'wana lava lahlekeke ehandle hi ndlela yaleyo lava vitaneriweke evuton'wini, leswaku a nga va wina hi ministri wa yena eka Kreste. Swingaleswi u wu pfarile a pfalela Sonto, hi mhaka ya swikhongelo leswi swi vaka etabernakeleni, nakona—nakona sweswo i ku tshembheka lokunene ka makwerhu. Kutani hi lava leswaku mi swi tiva leswaku swikhongelo swi tava swi ri kona madyambu ya Musumbhunuku lowu wu taka, vhiki leri ri taka. Nakona ndza switivi leswaku hinkwenu mi rhambiwile hi malwandla kuya twa Makwerhu Parnell a tisa hungu ra yena ra rirhandzu ra Kreste.

³⁵ Kutani sweswi a hi hlayeni kusuka eka Nhlavutelo kuavanyisa ka vu3, ntsena xiphemu, ku vula leswaku hi hlayile Bibebe. Hikuva, leswi ndzi nga swi vulaka swi nga tsandzeka, kambe leswi Yena a swi vulaka a swi nge tsandzeki. Nakona a ndzi switivi leswaku ndzi nga sungula kwihhi, ndzi nga endla yini, ndzi nga ya kwihhi, kambe ndzi hlaya ntsena Nguva ya Kereke ya Laodekiya.

...eka ntsumi ya kereke ya . . . Laodekiya tsala u ku;
Hi leti ti vuriwaka hi loyi a nga Amen, mbhoni leyi
tshembhekeke ya ntiyiso, ni nhloko ya swivumbiwa
swa Xikwembu;

Ndzi tiva mintirho ya wena, . . . a wu titimeli nakona a
wu hisi: a Ndzi ta . . . loko ngi u titimela kumbe ku hisa.

Kambe sweswi leswi u kufumelaka, u nga titimeli
nakona u nga hisi, ndzi ta ku hlanta enon'weni wa
mina.

Leswi u nge, ndzi mufuwi, ndzi tifuwisile, a
ndzi pfumali nchumu; kasi a wu tivi leswaku u ni
khombo, . . . u xisiwana, . . . u mupfumari, . . . u file
mahlo, . . . a wu ambalanga nchumu:

Ndza ku khongetela leswaku u tixavela eka
mina nsuku lowu ringiweke hi ndzilo, leswaku u
ta fuwa; . . . tinguvu leto basa, leswaku u ta ambala,
kutani tingana ta ku ka u nga ambalanga nchumu ti
nga tshuki ti vonaka; ni ku tota mahlo ya wena hi
murhi wa mahlo, leswaku u vona.

Hinkwavo lava ndzi va rhandzaka, ndza tshinya ni
ku va laya: u va ni ku chivirika, u tisola.

³⁶ Ma swi tiva, kun'wana lahaya, tani hiloko ndzi ri karhi ndzi
hlaya, ndzi . . . Loko mi nga ndzi pfumelela eka minete, ndzi—
ndzi kumile ndhawu leyi yi twaleke yi ri kahle eka mina, nakona
a ndzi switivi ntsena laha ayi ri kona sweswi. Hi leyi lahawani.

. . . kasi a wu tivi . . . u ni khombo, . . . u
xisiwana, . . . u mupfumari, . . . u file mahlo, . . . a wu
ambalanga nchumu:

³⁷ Oho, mina, wolowo i muxaka wa xifaniso xa kereke lahawani namuntlha! Sweswi, swi, ndzi—ndzi ehleketa leswaku yona nguva leyi ya kereke lahawani, leyi hi vulavulaka hi yona...Hikuva, ndzi na tinguva ta kereke leti humaka sweswi etibukwini. Kambe kuva kuri Nguva ya Kereke ya Laodekiya leyi hi nga eka yona, a hi languteni ntsena eka swiyimo.

³⁸ A ndzi lavi ku teka tsalwa rin'wana na rin'wana kumbe xin'wana na xin'wana, hikuva a hi le...ntsena ku tivulavulela, tani hiloko hi vona ku vulavula hi swin'wana na swin'wana leswi Hosi yi nga ta hi rhangela ku swi endla, kambe swin'wana leswi swi nga ta hi pfuna.

³⁹ A hi ehleketeni hi Nguva ya Kereke ya Laodekiya na xiyimo xa yona namuntlha. Hilaha ndzi swi tivaka ha kona, a ndzi voni nchumu lowu wu nga sivelaka, enkarhini lowu, ka ku Vuya ka Hosi Yesu, ehandle ka ku lungheka ka Kereke ya Yena. Ndzi ehleketa leswaku byin'we bya—bya vuprofeta...

⁴⁰ Tolo, ku ta hi movha, hi wu chayerile hi masiku mambirhi, kusuka eTucson, lahawani, kufika magidi mbirhi wa timayili, Billy na mina. Swingaleswi hi, sweswi, sweswo a ku ngari ku tshova nawu wun'wana na wun'wana wa rivilo. Hi tshamile eku lulameni. A ndzi tshamile kwalahaya, loko a ri eku chayeleni, kutani ndzi—ndzi khondlele—khondlele swibakele swa mina endzhaku tani hi xibalesa lexi hamula ya xona yi tlheleleke endzhaku. Ndzi n'wi vonile a famba ku hundza mpimo. Ndzi ku, "Yima nyana, jaha."

Sweswi, hi byeriwile, "Nyikani Khezari leswi swi nga swa Khezari."

⁴¹ Kutani hi nghanile kona lahawani vusiku bya tolo, xinhwenyatana lexintsongo xi lo lakahla ku hangalaka na patu, xa kwalomu ka malembe manharhu hi vukhale; manana a fele emugerhwени. Mufana un'wana loyi a dakwile, loyi a huma eR.O.T.C., u na khume nhungu wa malembe hi vukhale, a chayela dzana na makume mbirhi wa timayili hi awara, etlhelweni ra ximatsi ra patu, a dlayiwile. Nakona ndzi vhumbhile leswaku a ri eku feni, na yena. Kutani a mi ta swi lemuka leswi swi nga swona.

"Nyikani Khezari leswi swi nga swa Khezari."

⁴² Ku fa ka vanhu lava va nga riki na nandzu. Xinhwenyatana xa malembe manharhu hi vukhale xi lahlekeriwile hi vutomi bya xona, hikokwalaho ka socha rin'wana ra xidakwa, wa vona, a chayela dzana na makume mbirhi wa timayili hi awara, hi ku pimanyeta, etlhelweni leri ri hoxekeke ra patu. Ku gonya ehenhla ka xiganga, ni ku copa ehansi, na kuva a dlaya hinkwavo kun'we lahaya. Ndzi...A ri eku feni, na yena. Swingaleswi mi nga swi vona, hambi leswi ntlawa lowu wu nga riki na nandzu a wu endla...

⁴³ Sweswi mufana yaloye u ni nandzu wa ku dlaya ngati leyi yi ngariki na nandzu. Wa vona? Ndzi ehleketa leswaku loko munhu a nga kumiwa epatwini, a ri eku nweni, a fanele ku nyikika khume ra malembe, hinkwawo, hikwalaho ka leswi rhangelaka...ku dlaya hi ku tiyimisela; munhu un'wana na un'wana, hikuva ntsena u...munhu un'wana na un'wana.

⁴⁴ Hina, hi ngaka hi nga endli na xin'we xa kahle hi tipolotiki. Ti borile. Miehleketo ya Xikwembu ya kuva na hosi, hosi leyi yi lulameke, yi lulamile. Kambe tipolotiki to hangalaka ntsena, u nga ha xava xin'wana na xin'wana; ku tlariheta, ku hemba, ku yiva, hinkwaswo. Tani hilaha ndzi vuleke Tisonto tintsongo leti ti hundzeke: kutani langutani laha mi nga kona, wa vona, a hi nchumu ehandle ka ntlawa wa swilo hinkwaswo leswi swi gombonyokeke. Kambe hosi leyi yi lulameke yi nga endla milawu ya yona n'winyi. Nakona u nga dlaya munhu; u tiva tipolotiki ta kahle, sweswo swi lulamile, u huma eka swona. Wa vona? Swingaleswi, hi swona, swi—swi...

⁴⁵ Xidimokrasi i miehleketo leyinene, kambe a xi nge tirhi. Ntsena tani hi xikhomonisi, hinkwaswo ka swona kun'we; swi twala swi ri kahle, kambe a swi nge tirhi. Ee. Ya...Ndlela ya Xikwembu ya kuva na hosi, ku kotisa leswi Davida a ri xiswona, a yi lulamile, swingaleswi mi va ni miehleketo yin'we leyi vekiweke exikarhi. Tani hi murhangeri un'we na ntlawa wa masekwa ya nhova, kumbe swin'wana, u ngaka u nga teki mambirhi kumbe manharhu ya wona. Kutani, wa ya hlanganisa kun'we, u huma na miehleketo yin'wana na yin'wana.

⁴⁶ Swingaleswi hi kuma swiyimo, namuntha, swi lunghekele ku Vuya ka Hosi.

⁴⁷ Kambe, loko Makwerhu Neville na mina, na vamakwerhu lavan'wana hi ringeta ku risa ntlhambi, ndzi na swin'wana emiehleketweni ya mina sweswi, leswi swi taka, leswi hi nga vulavulaka ha swona.

⁴⁸ Hi leswaku, ndzi kumile papila siku rin'wana kusuka eka manana wa kahle. A ndzi kalanga ndzi ri kuma; ri tile hi munhu un'wana. Nakona kahle-kahle a ndzi handzulela ndzi va swiphemu-phemu, kumbe ku ringeta ku swi endla. A vula leswaku, "Xana u kale u...Hikokwalaho ka yini n'wina Christian Business Men mi nga endli swin'wana ku yimissa Makwerhu Branham?" A ku, "Hikuva sweswi u humesile buku leyi yi vuriwaka *Nguva Ya Kereke Ya Laodekiya*, ku humesela swo tala ehandle." Nakambe u teri, "Ntsena u le ku kavatlulenka dyondzo ya Mapentekostal yi va swiphemu-phemu." A ku, "Sweswi u vula leswaku vumbhoni byo sungula a hi ku vulavula hi tindzimi." Kutani a ku, "Swingaleswi, u lwisana na vachumayeri va xisati." Nakona loyi a ri

muchumayeri wa xisati. Nakambe vafana va yena, hi van'wana va vanghana vo antswa lava ndzi ngava na vona emisaveni. U... Va wela eka vanghana vo antswa lava ndzi nga na vona. Kutani a ku, "Sweswi..."

⁴⁹ Nakona wanuna na wansati loyi, a ndzi ri karhi ndzi fihlula na vona; va teri, "Makwerhu Branham, languta leswi. U nga swi ehleketa?" ni ku hlomula papila.

Ndzi teri, "Hi swona, sesi, ntsena a nga swi twisisi."

⁵⁰ Vafana va ndzi byerile leswaku manana wa vona a ri muchumayeri wa xisati, nakona a nga pfumeli eka Hungu.

⁵¹ Kutani sweswi wa vula lahawani, a ku, "Sweswi u teri, 'Vavasati a va fanelangi kuva ni ku fuma ehenhla ka vavanuna.'" A ku, "U ri yini mayelana na Febe eBibeleni, mupfuneti wa Paul?"

⁵² Hakunene, a ri muxavisi wa tinhundzu. Nakona Paul u vutisile vanhu... Mi ehleketa leswaku Paul a ta ku, "Vavasati a va timiyeleli etikerekeli, a va pfumeleri ku vulavula," kutani a hundzuluka ni ku vula leswaku, "Sweswi, Febe, mupfuneti wa mina eka Evhangeli, u ya eku chumayeleni eka madyambu yantsongo"? Hikokwalaho ka yini, u ta kanetana na rito ra yena n'winyi. Wa vona?

⁵³ Nakambe u teri, kutani, ku tatisa ehenhla ka hinkwaswo (ndzi pfumela leswaku a ku ri Ester, a ri un'wana wa vaavanyisi eBibeleni.), a ku, "Wansati a ri muavanyisi eBibeleni. Loko sweswo ku ngari kuva na ku fuma ehenhla ka vavanuna!"

⁵⁴ Nakona n'wamabindzu loyi a horisiweke lahawani ekerekeli ku ngari khale ngopfu, u teri... Sweswi, nsati wa yena u teri, "Makwerhu Branham, sweswo a swi tshamela ku ndzi pfilunganya."

Ndzi ku, "Hikokwalaho ka yini, sesi, xana sweswo swi nga ku pfilunganya ha yini?"

A ku, "Hi swona, hi loyi muavanyisi wa wansati."

⁵⁵ Ndzi ku, "Sweswo i tipolotiki, ku ngari kereke. Sweswo a swi ngheni helo ekerekeli."

⁵⁶ Paul u teri, "A va vi ni ku yingisa hinkwako, tani hi leswi na nawu wu vulaka hakona." Nakona nawu wu ngaka wu nga veki wansati kuva muprista; wu ngaka wu nga n'wi veki. A mi si tshama mi vona muprista lonkulu wa wansati. A mi si tshama mi vona muprista wa wansati, ku hava eBibeleni. A mi si tshama mi vona muchumayeri wa wansati, eBibeleni. Kunene-nene.

⁵⁷ Van'wana va vona a va ri vaprofeta va xisati, na swin'wana; Miriam ni lava hambaneke. Kutani Ester... Un'we wa vona a ri muavanyisi ehenhla ka Israel. Nkarhi wun'wana a va ri tihosikazi ehenhla ka vona, na swin'wana swo kotisa

sweswo, hosi na hosikazi. Eku feni ka hosi, hosikazi a yi fanele ku teka ndhawu ya hosi ku kondza va hlawula hosi yin'wana, na swin'wana.

⁵⁸ E—e Tucson, Arizona, hi na muavanyisi wa wansati edorobeni kwalahaya. Xexo hi xona xivangelo xova doroba ri thyakile. Nakona hi na...Wansati a nga na xiave eka tipolotiki. A nga na xiave eka...ehenhla ka matimba yan'wana ni yan'wana ekerekeni.

⁵⁹ Ndhawu ya yena i kuva hosikazi ya wanuna ekaya. Ehandle ka sweswo, a nga nchumu. Nakona ha switiva leswaku sweswo i Ntiyiso. U ngaka u nga kumi... Ndza switiva leswaku sweswo swi twala swi ri leswi swi hundzeriweke, kambe ndzi na vutihlamuleri.

⁶⁰ Nakona ndza switiva leswaku, endzhaku kaloko ndzi tava ndzi hundzile emisaveni leyi, tona tithepi na tibuku ti taya emahlweni ti hanya, kutani vunyingi bya n'wina vana lavantsongo mi ta swi kuma, emasikwini lawa ya taka, leswaku lowu i Ntiyiso hi xiviri, hikuva ndzi vulavula hi Vito ra Hosi.

⁶¹ Sweswi, ha hlamala hilaha wansati, loyi a nga wansati wa kahle, nakona u tisiwile emisaveni leyi hi nuna wa yena wo tshembheka, wanuna wa kahle, van'wana va majaha ya kahle swinene lava ndzi kaleke ndzi hlangana na vona, i vavanuna, lava ndzi kaleke ndzi hlangana na vona. Nakona ntsena hi xihatla, ntsena loko va tava va twile Hungu, va xavisiwile eka Rona, dzana ra tiphesente. Sweswi, sweswo swi nga ta ntsena hi ku hlawuriwela emahlweni, ndlela yin'we ntsena leyi swi nga taka ha yona.

⁶² Sweswi, xivutiso hi lexi, lahawani. A ndzi ehleketa leswaku, wa vona, sweswi hikokwalaho ka yini Hosi yi ndzi vuyisela endzhaku. "Nakona a wu switivi, ku switiva...A wu switivi; leswaku a wu ambalanga nchumu, u ni khombo, u xisiwana, u file mahlo, nakona a wu switivi."

⁶³ Loko ndzi nga se nghena emhakeni, ndzi nga komisa leswi ndzi swi vuleke eka masiku nyana lawa ya hundzeke, lahawani eka Hungu ra, ndzi pfumela leswaku a kuri, *Xikwembu Xa Misava Leyi*; xi pfarile matihlo ya vanhu, leswaku va gandzela javulosi hi xiviri eswikhongelweni swa vukhongeri. Xana mi swi kumile hinkwenu sweswo? Hinkwenu mi swi twisisile? [Nhlengeletano yi ku, "Amen."—Muhleri.]

⁶⁴ Kutani eka Hungu rona leri ri fanaka, ndzi tisile dyondzo, leswaku, wansati loyi a ambaleke swiambalo swa vugangu, hi mukhuva wa tingana, u ta, avanyisiwa eXitulwini xo Avanyisa tani hi nghwavava ya le xitarateni. Sweswo swi twala swi nga tololelekanga hi ndlela yo chavisa.

Ndzi pfumeleli ndzi mi pfapfarhutela xifaniso.

⁶⁵ Sweswi, hi leri gqweta edorobeni, nakulorhi lontsongo, nakona i wanuna wa kahle. Hi kuya hi—hi xipolotiki, ndzi anakanya leswaku a ngava a ri na mikhuva leyinene tani hi un'wana ni un'wana, tipolotiki ta yena. Kutani a famba na nhwenyana wa ndhuma swinene. Va rhandzana ni ku tekana. Va tinghenelerisa eminkhubyeni hinkwayo na swilo leswikulu, ni ku nwa swin'we. Eku heteleleni, u... U na kaya ra kahle. U tshama endhawini ya kahle. U tekiwa tani hi lonene exikarhi ka vanhu. Kambe u... Ha vumbirhi bya vona va nwa. U ambala leswo koma, a tsemeta misisi ya yena, a tiphontsa, hinkwaswo ntsena tani hi swa vugangu, wansati wo saseka a ri eku tikombiseni yena n'winyi. Hi swona, a ngayi ekerekeni, hi tindlela hinkwato, hambi un'we wa vona.

⁶⁶ Kutani, ku nghena, ku vandzakana na vona, ku ta wansati kusuka ekerekeni ya Baptist kumbe kereke ya Methodist, yena na nuna wa yena. Sweswi, wansati loyi...

⁶⁷ A hi yi endleni Methodist, hikuva Methodist yi ya swinene nyana eka vukwetsimi kutlula Baptist; hinkwato ehandle ka New Testament Baptist, ti pfumela eka vukwetsimi. Kambe, hi ntolovel, Baptist a yi yi eka vukwetsimi hi tindlela hinkwato, wa vona. A ti pfumeli eka nchumu wo tani hi sweswo. Swingaleswi, sweswi, a hi yi endleni Methodist hikuva va pfumela eka vukwetsimi.

⁶⁸ Swingaleswi wansati wa Mumethodist a ya tshama ku vandzakana ni wansati loyi, exitarateni xin'we. Nuna wa yena i... A hi nge i n'watinkota wa mfumo, na, kumbe hofisi yin'wana. Hi swona, wansati loyi wa Mumethodist a langutisa wansati lowun'wana.

⁶⁹ Nakona loko gqweta leri ri ya ehandle ka doroba... Vito ra yena i John; a hi nge vito ra yena i John. Sweswi, mi nga kholwi sweswo sweswi. Ntsena ndzo va eku tekeni ka mavito ya fikixini sweswi. Kutani vito ra yena i John. Hi swona, a tshamela ro famba na Ralph. Nakona rero i vito ra fikixini, hinkwavo ka wona, wa vona, ntsena leswaku mi ta kuma xitori lexi, ku endla xifaniso.

⁷⁰ Hi swona, nchumu wo sungula lowu mi wu tivaka, enkhubyeni wa vudakwa, Ralph a n'wi vukarha nakambe. Hi swona, a sungula ku hiseka, hikuva u le rirhandzwini na Ralph nakambe, u ehleketa tano. Kutani, endzhaku ka nkarhi, Ralph a sungula ku hlangana na yena. Nakona a nga ri veka ehenhla ka John, a ri koka ematihlweni ya yena. Nakambe u ehleketa leswaku hi yena sekwa ro saseka ro tlhariha, hikuva a nga tsutsuma na Ralph, a tekanile na John. Wa vona, wansati a nga kali a ri na matikhomelo lamanene, nakona a nga ehleketa nchumu ha swona.

⁷¹ Kambe wansati loyi wa Mumethodist u kurisiwile eka xiangi xin'wana. Wa swi endla, sweswi swintsongo, ku ya

ekerekeni, nakona u ehleketa leswaku wansati yaloye wa nyenyetsa. Hikokwalaho ka yini, u ri eka nuna wa yena, loko a nghena, "Ndza n'wi vona wanuna loyi loko a nghena lahaya ni ku hlangana na yena. Nakona loko John a ri ehandle ku tirhana ni nandzu kun'wana, Philadelphia kumbe kun'wana, u n'wi humesa hi xilahla xa yena, kutani va pavalala a bichini. Ndza va vona loko va vuya ekaya; a va kali va kokela na makhethenisi ehansi nkarhi wun'wana, a n'wi ntswontswa ni ku n'wi komba rirhandzu, leswi landzelaka... Oho, xana a swi chavisi sweswo?" a byela nuna wa yena. "Hikokwalaho ka yini, a nga nchumu kambe nghwawava ya mani na mani." I ntiyiso. U nyanyile kutlula nghwawava ya mani na mani, hikuva i wansati loyi a tekiweke. Wa vona? Nakambe yena, wansati loyi, wansati loyi wa Mumethodist, u ehleketa leswaku sweswo swa chavisa, a nga kali a nghena kereke.

⁷² Sweswi, wansati loyi wa Mumethodist a nga ta endla nchumu wo tani hi sweswo. Ee, hakunene. I wansati wa matikhomelo lamanene. Nakona nchumu wun'wana, a ngaka a nga khomi whisky na yintsongo, hikuva, kereke ya Methodist, makume nkaye wa tiphesente ta nongonoko wa vona i ku sivela loku ku lwisanaka na whisky, loku ku lwisanaka na whisky. Swingaleswi, va na nongonoko wa ku sivela, kutani vanhu va kereke leyi ya Methodist a va hanyi hi kutlula leswi kereke yaleyo yi swi dyondzisaka.

⁷³ Kambe wansati loyi a fanaka, wansati loyi wa Mumethodist, wa tihumesa, ni madyambu, na nuna wa yena, a ambale leswo koma hi Sonto, endzhaku ka xikolo xa Sonto. U tsemeta misisi ya yena. A tola poda, hambi kuri ku dzaha swintsongo.

⁷⁴ Sweswi, eRitweni ra Xikwembu, ha vumbirhi i tinghwawava, kambe *loyi* un'we lahayani "a nga ambalanga nchumu, i xisiswana, u ni khombo, u file mahlo, nakona a nga switivi." Un'we u ni nandzu ku kota lowun'wana, hikuva, "Wanuna loyi a langutaka wansati, hi ku n'wi navela, u n'wi oswile embilwini ya yena."

⁷⁵ Kutani loko wansati loyi, sweswi, a ngaku, "Yima nyana minete, Nkul. Branham. Ndzi ta ku nyika ku twisia, a ndzi nghwawava." Sesi wa mina, kumbexani loko u nga vekiwa emahlweni ka Bibele, ni ku tlhandleka mavoko ya wena ehenhla ka Yona eVukoneni bya Xikwembu, ni ku hlambanya hi xihlambanyo leswaku u vile ntsena loyi a nga na ntiyiso-1, ntiyiso eka nuna wa wena hilaha u nga vaka hakona. Miri wa wena wu fumiwa hi nuna wa wena, kambe moyo wa wena wu fumiwa hi Xikwembu. Ku na moyo wo biha lowu wu ku toteke. Loko sweswo, loko u ngari swona, kutani u le...ndzi nga tiyisisa leswaku u hlanganile nhloko.

⁷⁶ Xana a ku tava ku humelerile yini hi kokwani wa wena wa xisati loko a lo huma a famba exitarateni a ambale

leswo koma? A va tava va n'wi hoxile exibedlhele xa lava va hlanganeke tinhloko; u humele ehandle a nga ambalanga rhoko ya yena. Ku na swin'wana leswi swi hoxekeke emiehlekeweni ya yena. Loko ku ri leswaku a swi ri tano nkarhi luwa, swi tano na sweswi.

⁷⁷ Swingaleswi swi hoxa misava hinkwayo eku hlanganeni ka tinhloko. Nchumu hinkwawo wu hlangananile. Nakona swi khokhovale endzeni hi ku famba ka nkarhi ku kondza vanhu va nga ha switivi.

⁷⁸ Sweswi, xana u nghwavavani? Ku ngari hi nuna wa yena, ku hlambanya hi miri wa yena. Kambe, emahlweni ka Xikwembu, u na vubihi, moya wa unghwavavani eka yena, lowu wu n'wi endlaka a ambala ku kotisa sweswo. Nakona u le ka Nguva ya Kereke ya Laodekiya, nakona a nga switivi leswaku u le ku endleni ka sweswo. Wansati loyi a nga riki na nandzu a nga switivi leswaku Xikwembu xi ta n'wi avanyisela unghwavavani. Mi kwalahaya.

⁷⁹ Mi Ri yisa eka yena; mi ngaka mi nga n'wi byeli. Ku hava ndlela ya ku Ri yisa eka yena. Bibele yi teri, "A va ambalanga nakona a va switivi."

⁸⁰ Loko mi nga n'wi vitana nghwavavani, hi vuyena, a nga mi khomisa. A nga swi endla. A ndzi kalanga ndzi vulavula hi vumina mayelana na munhu un'wana na un'wana. Ndzi vulavula hi xidyoho. A ndzi ri, "Kereke *leyi* yo karhi, Nkul. *Swingere-ngere* lahaya, Muf. *Swingere-ngere*, hi yena..." Ee, ee. Ndzi vula leswaku, dyondzo ya sweswo, wa vona, nchumu hinkwawo kun'we. A ndzi vuli munhu ha un'we-un'we. A hi munhu un'we-un'we. I mafambiselo lawa va nga eka wona. I mafambiselo ya misava.

⁸¹ Makwerhu George Wright loyi a tshameke lahwani u... U na makume nkombo-ntlhanu kumbe makume nkombo-nhungu wa malembe hi vukhale, ndza vhumbha. Xana u ehleketa leswaku a ku tava ku humelele yini loko a wu tava u yile u ya vona Sesi Wright siku rin'wana, nakona a yimile a ambarile phere ya leswo koma? Hikokwalaho ka yini, a wu nga ta endla, a wu ta—a wu ta pfalerisa wansati yaloye. A wu nga tava u n'wi tekile. Hiswona, loko jaha rin'wana na rin'wana nkarhi wolowo a ri tava ri swi endlile, nchumu lowu fanaka a wu tava wu humelerile. Hi swona, loko kuruku a swi ri vudyoho ni ku hoxeka nkarhi luwa, i nchumu lowu fanaka; kambe vanhu va engetele ku va ni rihuhe.

⁸² Ndzi pfumeleleni ndzi mi profetela swin'wana, ntsena swi nga se humelela. Misava hinkwayo yi le ku hlengeletaneni eka rihuhe, nakona yi ta nyanya ni ku nyanya ni ku nyanya, kufikela laha va nga tava ntawa ya tinhlanyi. Nakona sweswi swi le kusuhi na kuva tano.

⁸³ Mi nga swi anakanya hi wanuna loyi a chayelaka a timile mavoni, etlhelweni leri ri hoxekeke ra patu; ricky, n'wana lontsongo, a fanele kuva a humile exikolweni xale henhla, a dlaya ntlawwa wa vanhu. Xana sweswo swa va yimisa xana? Loyer a landzelaka u tile endzhaku ka yena, a endla nchumu lowu fanaka. Mi nga swi anakanya hi wanuna lontsongo loyi a ehleketa swin'wana ni swin'wana hi yena...swin'wana na swin'wana hi yena n'winyi, a huma lahwani ni ku endla hi ndlela leyi va endlaka ha kona?

⁸⁴ Mi nga swi anakanya hi wansati lontsongo, na ku rhumbuka ka vusatii, wo saseka, wo akeka kahle, wo vumbeka, wo koka rinoko, xikandza, xo saseka; nakona nchumu walowo wa ku xonga ka yena wu kombisa leswaku hi le nkarhini wa makumu. Wa vona, u yile xikan'we eka xihiawulekiso xa misava, swilo swa misava nakona ku ngari ku saseka ka vukwetsimi, ku tsokombela emoyeni wa yena. Ndzi vonile vavasati, ehandle ka vona a ku ngari na nchumu wo wu languta, kambe mi vulavula na vona nkarhi wun'wana, mi vulavula na vona timinetse tintsongo, hi vona nchumu wa xiviri lowu mi nga taka mi nga yi ekule na wona. Wa vona, ku saseka ka le handle i ka javulosi, i ka le misaveni.

⁸⁵ Langutisani vana va Kayini, hilaha va yeke eka swona. "Loko vana va Xikwembu va vonile leswaku vanhwenyana va vanhu a va sasekile, va titekela ka vona vasati," kutani Xikwembu a xi kalanga xi va rivalela.

⁸⁶ Langutani, loko vavasati va Israel na-na mavoko ya timbhonya, na misisi yo songa-songana; loko vana va Xikwembu va fikile etikweni ra Moab, na ku hlangana na vona vavasati vo xonga na misisi leyi yi endliemeke kahle, na ku koka rinoko, na swikhaviso swotala eswikandzeni swa vona, kumbe leswi mi swi vitanisaka xiswona; kutani loko vana va Xikwembu va vona vavasati lavo xonga, muprefeta wa vunwa u teri, "Hinkwerhu ha fana." [Makwerhu Branham a gongondza ephulphitini kuringana ka ntsevu—Muhleri.] Kutani va tekana exikarhi ka vona, nakona Xikwembu a xi kalanga xi va rivalela.

⁸⁷ Va helele emananga. Un'wana na un'wana wa vona u fele kwalahaya, va ngari na ku tshembha, va ngari na Xikwembu, nakona va lahlekele Makamu; va avanyiseriwile hilaha ku nga heriki, hambi leswi va voneke vunene bya Xikwembu, hambi leswi va nweke exihlobbyeni lexi xi nga omeki. Va nwile eribyeni leri biweke. Va vonile nyoka ya koporo yi endla masingita. Va humile kusuka ehansi ka nkhuvulo wa Muxelwandle. Va vonile voko ra Xikwembu. Va dyile swakudya swa Tintsumi, nakona va endlile swilo leswiya hinkwaswo. Kambe kuva va tekanile, va pfumelela vavasati kuva nghenisa

eka byona, va tekana exikarhi ka vona. Ku ngari ku endla vuoswi, ntsena ku tekana exikarhi ka vona; Xikwembu a xi kalanga xi va rivalela.

⁸⁸ Wolowo i nkarhi wa vumbirhi lowu swi nga hlangana. Sweswi lahawani hina hi le ka nkarhi wa vunharhu, lowu wu kanganyisaka kutlula minkarhi hinkwayo.

⁸⁹ Ndza switiva leswaku sweswo swa nonoha. Nakona nkarhi wo tala ndzi ti vutisile, hi tindlela to tala, leswaku xana swi tava njhani? Hikokwalaho ka yini ndzi fanele ku vulavula hi xihatla na vanhu? Swi endliwa hi yini kuva tano? Hambi swi ri tano, ndza lemuka, loko a ku ngari Xikwembu, a ku tava ku ngari na munhu, a ku tava kuri hava wansati loyi a nga ta tshama a ndzi yingisela. Kambe va vuyile, hikuva a kuri na un'wana loyi a nga na nsoma wuntsongo wa Ntiyiso lahaya, loyi a swi tivaka leswaku Sweswo swi lulamile. Swi ngari na mhaka, va switiva leswaku Swi lulamile. Sweswi vonani leswi humelelaka. Ndza switiva leswaku swa nonoha.

⁹⁰ Swi tani hiloko dokodela a mi nyika murhi, kutani mi ala ku wu teka, swingaleswi mi nga soli dokodela loko mi fa. Nakona Leswi swi tani hi murhi. Swi njhani hi vanhu lava va tshamelaka ku koxa leswaku ndzi muvengi wa vavasati?

⁹¹ Ma swi vona, ntsena mi vona hi ndlela leyi vavasati va endlaka ha kona, kutani ndzi ta mi kombeta laha kereke yi nga kona. Mikhuva ya vavasati yi le ka Laodekiya, emisaveni, hi xinyama, “a wu ambalanga nchumu, u xisiswana, u file mahlo, nakona a wu switivi,” vona—vona vanhu, vavasati va misava. Nakona kereke yi le ka xiyimo lexi fanaka. Vonani swa ntumbuluko swi fananisa swa ximoya, ku hundzisa sweswo, nkarhi hinkwawo. Sweswi, siku rin'wana eXitulwini xo Avanyisa . . .

⁹² Ndza switiva leswaku a swi dumanga ku swi vula. Nakona loko munhu a nga hlawuleriwanga ku swivula, swa antswa a nga swivuli; hikuva u le ku encenyeten, nakona u ta nghena ekhombyeni, i ntiyiso lowu wu heleleke.

⁹³ Sweswi xiyisisani. Kahle-kahle ndzi, swi languteka ku fana, hi minkarhi, ndzi khomelerile nomo wa wansati wu pfulekile na ku chela Murhi enon'weni wa yena, kutani ndzi khomelela nomo wa yena hi mavoko ya mina, nakona u ta Wu phela ehandle nkarhi hinkwawo. A swi tava njhani loko dokodela a endla sweswo eka muvabyi, kutani muvabyi a fa hikuva a arile ku mita murhi? Eka Xitulu xo Avanyisa, loko swilo leswi hinkwaswo tani hi ku tsemeta missisi ni ku ambala leswo koma ni . . .

⁹⁴ Ndzo va eku akeni ntsena. Awara yi le kusuhi exandleni laha mi nga ta vona swin'wana swi humelela, loko swin'wana swi ta humelela. Kutani hinkwabyo vuyimelo lebyi lahawani a byi andlala masungulo ntsena eka nkarhi nyana, Hungu ra xihatla leri nga ta ninginisa tinxaka hinkwato.

⁹⁵ Hikokwalaho ka yini ndzi pfuka vavasati, swi etlerile ehenhla lahawani hikwalaho ka nchumu wun'wana lowu mi nga swi baka enhlokweni, hi wona. Hambi kuri ku ringeta ku va byela leswi swi lulameke. Nakona ndzi yisile voko ra mina ehansi ku kota *leswi*, tani hiloko kuri nomo, kutani va Wu phela ehandle. Kutani i mani loyi a nga ta sola dokodela?

⁹⁶ Xana mi ta vurisa ku yini, hi Siku ra ku Avanyisa, loko marito lama ma rileke ku lwisana na swona, ma nga ta tlanga nkandziyiso endzhaku eswikandzeni swa vanhu? Kutani xana va ta swi balekerisa ku yini?

⁹⁷ Mi Wu phela exikarhi ka tintiho ta n'wina. Mi chela wun'wana wo tala ehansi, kutani eku heteleleni va dzungudza tinhloko ta vona ni ku tlhelela endzhaku, ni ku vuyela endzhaku, a va nge swi endli. Kambe, loko mi tlhelela endzhaku nakambe ni ku Wu chela endzeni nakambe. Kutani xana ku ta soriwa mani? Ku ngari dokodela, ku ngari Murhi, kambe matikhomelo ya munhu. Sweswo hi swona. Ri tava siku lero chavisa, rin'wana ra masiku lawa, loko rixaka leri ra vudyoho bya vuoswi ri yima emahlwени ka Xikwembu xa Matimba hinkwawo.

⁹⁸ Ndzi vona malembe ya mina ya kasela ehenhla, makatla ya mina ya korhama; nakona, ndza switiva, makume nharhu wa malembe lahawani eka platifomo leyi, ina, makume nharhu-nharhu wa malembe ndzi ri lahawani ensin'wini. Byebyo i vutomi byo leha. Yalawa i makume nharhu-nharhu wa malembe ya ku tirha. Ku tisola kun'we ntsena loku ndzi nga na kona; leswaku a ndzi va nga na dzana na makume nharhu-nharhu wa wona. Hikuva lowu wu tava nkatiko wo hetelela lowu ndzi nga tava na wona, loko ndza ha ri loyi a bolaka, ku chumayela Evhangeli. Xikwembu a xi ndzi pfuni ku yima hi ntiiyiso hilaha ndzi nga vaka na ntiiyiso, eka Rito rero, ni ku vula hilaha Xi vulaka hakona.

⁹⁹ Xana i yini leswi endleke wansati loyi wa Mumethodist... Xana mi nga Swi fikisia ku yini eka yena? Hi loyi lahawani, eka Nguva ya Kereke ya Laodekiya.

¹⁰⁰ Sweswi hi ta teka wansati wa Mupertekostal. A nga fanelanga ku ambala leswo koma, ku ti phontsa-phontsa, kumbe ku tsemeta misisi ya yena, kambe u langutisa endzhaku ehansi eka Methodist, a ku, "Langutani wansati luyani u endla *swongere-ngere!*" A hi nge wansati a nga ambali leswo koma, kambe a ku...nakona yena na misisi leyi yi bobeweke. Wa vona?

¹⁰¹ Loko u nyanya u ri karhi u tlhandluka eka Xikwembu, loko vudyoho byi nyanya hinkwaswo swa languta. Swingaleswi nkarhi wun'wana, exikhongelweni, u nga ha anakanya, loko Moya lowo Kwetsima wu ku tekela ehenhla endzeni ka xirhendzeyutani, kutani nchumu hinkwawo wu languteka tani hi mpfilumpfilu. Kutani loko u vuyela ehansi, u languteka tani hiloko u ri, eka vanhu, u ri xikelema,

leswaku a wu—a wu nchumu handle ka musandzi wa khale. U xiphukuphuku, hikuva u yima tani hi munhu wo ka a nga tolovelekanga ni ku tshamela ro tshinya vanhu. Kambe loko u kala u khandziya endzeni ka xirhendzevutani nkarhi wun'wana, laha u nga vaka eVukoneni bya Xikwembu (ku ngari hi nyanyuko, kambe hi ku tlakulela ehenhla ka xiviri ka Moya lowo Kwetsima), nchumu hinkwawo wu tsariwile, "ICHABOD." Ku Kwetsima ka Hosi kusukile eka vandla hinkwaro ra dinominexini. Sweswo swi lulamile. Lahaya ku hava na un'we wa vona loyi a lulameke.

¹⁰² Sweswi ndzi pfumeleleni ndzi mi pfapfarhutela xirhendzevutani. Loko a ndzi ri na bodo yo tsalela... Kambe ndzi lava leswaku mi languta lahawani. [Makwerhu Branham a pfapfarhuta swirhendzevutani leswi swi landzelaka eka nchumu wu'wana—Muhleri.] Ndzi ya eku endleni ka xirhendzevutani xin'we tani hi *leswi*, ndzi ya eku endleni ka xirhendzevutani xin'wana endzeni ka xirhendzevutani xexo, sweswo i swimbirhi, kutani ndzi ya eku endleni ka xirhendzevutani endzeni ka xirhendzevutani xexo. Sweswo i swirhendzevutani swinharhu, swirhendzevutani swinharhu. Sweswi, xexo hi n'wina.

¹⁰³ Xexo i Xikwembu. Xikwembu eka vunharhu i Xin'we, nakona ehandle ka vunharhu a hi Xona Xikwembu. Xi ngaka xi nga tivonakarisi hi ndlela yin'wana.

¹⁰⁴ Nakona u ngaka u nga vonakarisiwi ehandle ka kuva vunharhu bya munhu loyi u nga yena, leswi swi nga: miri, moyo, munhu wa le ndzeni. Ehandle ka xin'we xa swona, a wu helelanga. Wa vona? Loko a wu ngari na munhu wa le ndzeni, a wu tava u nga ri munhu; loko a wu ngari na moyo, a wu tava u nga ri nchumu; loko a wu ngari na miri, a wu tava u ri moya ntseña, ku ngari miri.

¹⁰⁵ Kutani, Xikwembu xi hetisekile eka ku hlangana ka vunharhu bya Xona; kungari ku hlangana ka vunharhu bya *swilo*, kambe Vun'we bya Xona eka ku hlangana ka vunharhu. Tatana, N'wana, na Moya lowo Kwetsima i Xikwembu xin'we xa ntiyiso lexi xi tivonakariseke. Xikwembu!

¹⁰⁶ Xiyisisani lahawani, ntseña yimani, ndzi—ndzi pfumela leswaku ndzi swi hlayile ntseña timinetse tintsongo leti ti hundzeke. Yingiselani leswi.

...eka *ntsumi ya Kereke ya...Laodekiya tsala u ku; Hi leti ti vuriwaka hi loyi a nga Amen, mbhoni leyitshembhekeke ya ntiyiso, e nhloko ya swivumbiwa swa Xikwembu;*

¹⁰⁷ Xikwembu i Mutumbuluxi. Nakona Xi tumbuluxise ku yini? Kambe lawa i "masungulo ya ku tumbuluxa ka Xikwembu." Loko Xikwembu, xi nga Moya, loko xi tava xi ti tumbuluxile hi xivumbeko xa Munhu, xexo a kuri Xikwembu lexi tumbuluxiweke; Xikwembu Mutumbuluxi, xona N'winyi, xi

va mutumbuluxiwa. Xikwembu, Lexi endleke thyaka, xi endleke khalisiyamu, xi endleke photaxi, xivandla xa layiti, petroliyamu, xi swi teka xi swi hlanganisa xi swi tumbuluxa xona N'winyi, eka "masungulo ya ku tumbuluxiwa ka Xikwembu."

¹⁰⁸ "Loyi a nga Amen," wo hetelela. *Amen* swivula leswaku "a swi ve tano." "Wo hetelela wa Xikwembu," loko Xikwembu xi hetile eka ku tumbuluxa ka Xona.

¹⁰⁹ Sweswi, xana a swi ri njhani? "A kuna munhu loyi a voneke Xikwembu na siku na rin'we, kambe Yena loyi a Tswariweke a ri swakwe hi Tatana u hi tivisile Xona." Ma swi kuma xana?

¹¹⁰ Mi nge, ntsena xinkadyana, mi nga jahi. A hi pfuleni eka Vakolosa, ntsena xinkadyana. Ndzi kumekile ntsena ndzi... . ku ta Matsalwa emiehleketweni ya mina. A hi pfuleni eka Vakolosa, Buku ya Vakolosa, hi kuma...ndzi pfumela leswaku i kuavanyisa ka vu1. Ndzi ta fanela ku swi languta, hikuva a swi kunguhateriwanga emahlweni lahwani. Kutani ndzi ta... . Tani hi leswi a ndzi ri xiswona, loko ndza ha ri muchumayeri lontsongo, a ndzi kota ku ehleketa hi swilo leswi [Makwerhu Branham a thokoza hi rintiho ra yena—Muhleri.] sweswi nyana, kambe tani hilaha ndzi kulaka a ndza ha swikoti. A hi sunguleni eka ndzimana ya vu9, ndza pfumela. "Hikwalaho ka swona..." I Paul a byelaka Vakolosa hi mayelana na Kreste, hilaha Yena A ri hakona.

Hikwalaho ka swona na hina, mpfhuka hi yingise sweswo, a hi yimanga ku mi khongeleta, ni...ku mi navelela leswaku mi tala hi ku tiva hinkwako ku rhandza ka xona hi vutlharchi hinkwabyo bya moyo ni ku twisia;

Leswaku mi famba hi mukhuva lowu fanelaka Hosi eku n'wi tsakiseni hinkwako, mi veka mihandzu emintirhweni leyo saseka hinkwayo, mi va mi kula eku tiveni ka Xikwembu;

Mi tiyile hinkwako...hi matimba yo kwetsima, ya ku lehisa timbilu ni ku tiyisela hi ntsako;

Mi ri karhi mi khensa Tatana, loyi a nga hlangana...loyi a hi hlanganiseke ku...ku va ni ku averiwa endzhakeni ya vakwetsimi...

Loyi a hi humeseke ematimbeni ya munyama, a hi nghanisa eku fumeni ka N'wana wa yena loyi a rhandzekaka:

¹¹¹ Lahawani hi le ku fikeni sweswi. Vonani.

Yoloyi hi nga ni ku kutsuriwa hi ngati ya yena, hambi kuri ku rivaleriwa ka swidyoho:

Hi yena a nga xifaniso xa Xikwembu lexi nga voniwicki,...

¹¹² Ma swi kuma? Ndzimana ya vu15, Vakolosa 1:15.

...mativula ya hinkwaswo leswi nga tumbuluxiwa.

¹¹³ Amen! Yini? “Mativula ya hinkwaswo leswi nga tumbuluxiwa.” Hambi ku nga va Ntsumi, hambi ku nga va xin’wana na xin’wana lexi nga vaka xona; hi Yena mativula ya hinkwaswo leswi nga tumbuluxiwa.

Hikuva ha yena swilo hinkwaswo swi tumbukuxiwire—swilo hinkwaswo swi tumbuluxiwire, leswi nga matilweni, kumbe...la misaveni, leswi voniwaka...leswi nga voniwicki, hambi swi ri swiluvelo, hambi byi ri vuhos, . . . mimfumo, . . . matimba: swilo hinkwaswo swi tumbuluxiwe hi yena, nakona swi endleriwe yena:

¹¹⁴ [Makwerhu Branham a hefemula, a rhurhumerisa milomo ya yena—Muhler.] A swi vi xin’wana na xin’wana lexi swi nga vaka xona; a ku na nchumu wun’wana! Xiyisisani, “Nakona eka... Nakona hi yena...”

...hi yena loyi a nge mahlweni ka hinkwaswo, kutani hinkwaswo swi yimisiwe hi yena.

¹¹⁵ Hambi ku ngava Tatana, N’wana, Moya lowo Kwetsima, hambi ku ngava yini, “Hi Yena loyi a nge mahlweni ka hinkwaswo.” “Emahlweni ka hinkwaswo leswi swi nga Matilweni, emisaveni; leswi voniwaka, leswi nga voniwicki, kumbe swin’wana na swin’wana,” N’wana loyi wa Xikwembu a ri emahlweni ka swilo hinkwaswo. A hi swona xana? A ndzi na mhaka, i swiluvelo, vuhos, hambi ku ngava yini; swiluvelo swa le Matilweni, mimfumo, swin’wana ni swin’wana leswi swi nga vaka swona ehenhla endzhaku ka leswi nga ehandle ka ntumbuluko, laha ku nga Heriki laha a swi ri kona; swin’wana ni swin’wana leswi a swi ri swona, Tintsumi, swikwembu, swin’wana hambi ku ngava yini, “Hi Yena loyi a ga mahlweni ka swilo hinkwaswo.” Amen! Xana a mi N’wi voni? “A ri emahlweni ka swilo hinkwaswo; nakona swi tumbuluxiwe hi Yena. Hi yena...” Ndzimana ya vu17.

Hi yena loyi a nge mahlweni ka swilo hinkwaswo, kutani hinkwaswo swi yimisiwe hi yena.

¹¹⁶ Ku hava nchumu lowu nga swi fambisaka ehandleni ka Yena. Hambi ku ngava Xikwembu Tatana, Xikwembu Moya lowo Kwetsima; hambi ku ngava Tintsumi, mimfumo, matimba, vuhos; hambi ku ngava yini, swilo hinkwaswo swi fambisiwa hi Yena. “Swilo hinkwaswo swi yimisiwe hi Yena.” Yena!

Kambe hi yena nhloko ya miri, kereke: loyi a nga masungulo—loyi a nga masungulo, mativula exikarhi ka vafi (hi leswaku, ku pfuxa leswi Yena a teleke ku ta swi kutsula); a tava lowo rhanga ematlhelweni hinkwawo.

¹¹⁷ “A tava *lowo rhanga*,” ma swi tiva leswaku swi vula yini? Hi leswaku, “ehenhla ka hinkwaswo.” U le henhla ka swilo hinkwaswo leswi tumbuluxiweke; Ntsumi yin’wana na yin’wana, xivumbiwa xin’wana na xin’wana, xin’wana na xin’wana—xin’wana na xin’wana lexi nga kona. U le henhla ka swilo hinkwaswo. Xana i Xitumbuluxiwa muni Lexi? Xana ku nga va mani? Ehenhla ka swilo hinkwaswo! “Ni kuva xi endlile kurhula . . .” A hi voneni, ntsena xinkadyana. Ku rhange- . . .

Hikuva swi tsakisile Tatana leswaku ku tala hinkwako ku tshama ka yena;

¹¹⁸ “Ku hetiseka hinkwako ka swilo hinkwaswo.” Ku hetiseka hinkwako ka Xikwembu, ku hetiseka hinkwako ka Tintsumi, ku hetiseka hinkwako ka nkarhi, ku hetiseka hinkwako loku nga Heriki; swilo hinkwaswo swi tshamile eka Yena. Yaloye i Nakulorhi loyi.

Kutani, hikuva hi yena loyi a endleke kurhula hi ngati ya xihambano xa yena, hi yena ku hlanganisa swilo hinkwaswo eka yena; hi yena, ndzi ri, hambi swi ri leswi nge misaveni, kumbe swilo leswi nga matilweni.

¹¹⁹ Hi xexo Xitumbuluxiwa lexikulu lexi hi vulavulaka hi xona, “Masungulo ya switumbuluxiwa swa Xikwembu.”

¹²⁰ Sweswi, sweswi leswaku, Kereke, leswaku xikongomelo xa Yena hinkwaxo a kuri Kereke. Sweswi xana hi nghanisa ku yini eKerekenei leyi? “Hi Moya wun’we hinkwerhu hi khuvuriwe eMirini wun’we,” ku nga Kereke, Miri wa Kreste. Wu ngaka wu nga tsandzeki.

¹²¹ Sweswi, hi swona leswi swi humelelaka. Sweswi vonani leswi, xifaniso lexintsongo xo endla xikombiso ntsena lahawani. [Makwerhu Branham a kombisa mimpfapfarhuto ya yena ya swirhendzeyutani swinharhu nakambe—Muhleri.]

¹²² Sweswi, munhu loyi wa le handle i nyama. Sweswo hi leswi hi langutaka swona; leswi hi swi vonaka. Nakona wu ni minyangwa ya ntlhanu eka miri wolowo. Nakona n’wana un’wana na un’wana wa xikolo xa vuvulavuri, tani hi mina, a nga switiva leswaku ku na switwi swa ntlhanu leswi swi lawulaka miri; ku vona, ku ringa, ku khumbha, ku nuhwetela, na ku twa. Ehandle ka sweswo, u ngaka u nga wu khomi miri. Hi yona ndlela yi ri yoxe leyi u nga na yona eka miri; ku vona, ku ringa, ku khumbha, ku nuhwetela, ku twa; ma swi vona, u swi ringa, u swi khumbha . . . Sweswi, yaloye hi lowo biha, hi le handle.

¹²³ Sweswi, endzeni ka wona i moya, lowu u vaka wona loko u tswariwa emisaveni kutani moya wa vutomi wu huhuteriwa eka yena. Moya wolowo i wa ntumbuluko wa misava hikuva a wu nyikiwanga kusuka eka Xikwembu, kambe wu (nyikeriwe) pfumeleriwile hi Xikwembu. Xana mi swi kumile sweswi? Hikuva, n’wana un’wana na un’wana loyi a tswariwaka emisaveni, “u tswariwile eku dyoheni, a vumbiwa eku

hombolokeni; a ta emisaveni a ri karhi a vulavula vunwa.” Hi swona sweswo? Kutani, munhu yaloye, endzeni lahaya, i mudyohi, xo sungula. Sweswi, kambe...

¹²⁴ Sweswi, wu na minyangwa ya ntlhanu. Kutani minyangwa ley ya ntlhanu...a ndzi switivi loko ndzi nga yi vula xikan’we sweswi. Loko...Wo sungula, lowu ndzi wu tivaka, i miehleketo, ripfalo, na rirhandzu, ku hlawula...Ee. Ripfalo, rirhandzu, mianakanyo...Ku na minyangwa ya ntlhanu eka moy. A wu nge swikoti ku ehleketa hi miri wa wena; u fanele ku ehleketa hi moy wa wena. U ngaka u ngavi na ripfalo emirini wa wena. A wu na matimba ya ku ehleketa na swintsongo; miri wa wena a wu nge swikoti, swingaleswi u fanele ku ehleketa hi moy wa wena. U fanele ku anakanya. U ngaka u nga anakanyi hi vuwena bya xinyama, hikuva ku anakanya a swi voni, a swi ringi, a swi khumbhi, a swi nuhweteli, kumbe a swi twi. Ku anakanya hi leswi u nga swi endlaka emiehlekeweni ya wena. Loko u tlele kumbe u humile, miri wa wena wu va wu etlele wu file, kambe moy wa wena wu va wa ha anakanya. Ku na switwi swa ntlhanu leswi swi lawulaka munhu loyi wa le ndzeni. Nakona yaloye...

¹²⁵ Sweswi, eka munhu wo hetelela, loyi a nga munhu wa le ndzeni, ku na xitwi xin’we ntsena lexi xi lawulaka sweswo, nakona xexo hi lexi xi ntshuxekke...ku tsakela loku ntshuxekke ka vuyimeri bya matikhomelo ku hlawula kumbe ku ala.

¹²⁶ Kutani sweswi xivangelo xa leswaku vanhu namuntlha... Sweswi, mi nga swi rivali leswi sweswi, nakona mi ta—mi ta vona leswi Moya...leswi vumbhoni byo sungula bya Moya lowo Kwetsima byi nga xiswona. Wa vona?

¹²⁷ Sweswi, vanhu va nga hanya emoyeni lowu, nakona va cina va ri emoyeni. Va huwelela emoyeni. Va ya ekerekeni va ri emoyeni, nakona hi ku hetiseka va ngava na Moya wa xiviri wa Xikwembu wu totiwile eka moya wolowo, kambe va tama va ha lahlekile ni ku fumiwa hi javulosi hilaha va nga vaka hakona, na moya wolowo.

¹²⁸ Hikuva, vonani, xexo hi xona xivangelo xa kuva mi nga ta n’wi byela wansati luya, kuva a ambarile leswo koma, a swi hoxekile. A mi nga ta n’wi byela leswaku ku boba misisi ya yena a swi hoxekile. “Hi swona, xana misisi ya wena yi nghena kwihi eka swona?” Hi swona, yi swi endlile eka Samson. Wa vona?

¹²⁹ “Mani na mani loyi a nga ta engetela rito rin’we eka Yona, kumbe ku hunguta Rito rin’we eka Yona.” Mi fanele kuva na ku hetiseka kun’wana.

¹³⁰ Sweswi, xikombiso, loko ndzi ri e—e—e wanuna wa Mubaptist, nakona mi ta eka mina mi ta ndzi byela leswaku

ndzi fanele ku—ndzi fanele ku khuvuriwa hi Vito ra Yesu Christ; swi le Bibeleni. Hi swona, xo sungula lexi mi xi tivaka, a ndzi ta ku, “Ndzi ta vutisa mufundhisi wa mina.”

¹³¹ Kutani loko ndzi ya eka mufundhisi; a ku, “Oho, sweswo i nchumu wun’wana lowu wu nga le ndzhaku, wa vona. Ina, wa vona, hina Mabaptist, hi leswi leswi hi pfumelaka eka swona; hi pfumela leswaku hi fanele ku petiwa hi swiyimela vito swa ‘Tatana, N’wana, Moya lowo Kwetsima.’ Yaleylo hi yona ndlela leyi kereke hinkwayo yi endleke hakona. Kusukela loko John Smith a yi sungurile, hi yona ndlela leyi swi endlisiwaka xiswona.” Hi swona, sweswo i ku hetiseka ka n’wina. “Ekule na leswi nakulorhi yaloye a swi vulaka!”

¹³² Xana loko u ri Mumethodist, nakona ku haxa kuri maendlelo ya n’wina, kutani mi byeriwa leswaku mi fanele ku petiwa? Ma swi vona leswi ndzi swi vulaka? Mi tlhelela eka mufundhisi wa Methodist, kutani u ta tsala ni ku vutisa bishopo, loko *swingere-ngere* a teri *swingere-ngere* mayelana na *leswi*. “Kambe hina, kereke ya Methodist, hi sungurile malembe manharhu kumbe mune wa madzana lawa ya hundzeke, eNghilandhi, hi John Wesley, na Whitefield, na hinkwavo ka vona kwalahaya, na Asbury. Hi kumile tsalwa leri, hi ku landzela John Wesley, leswaku hi fanele ku haxiwa, hikuva kova ntsena nkombiso wa le ha...xivumbeko. Nakona hi ehleketa leswaku ku haxa swi kahle tani hi ndlela leyin’wana.” Loko mi ri va xiviri...Loko kereke ya Methodist yi ri ku hetiseka ka n’wina, wolowo i mpfhuka lowu mi nga wu fambaka.

¹³³ Loko mi ri Makhatholiki...Nakona ndzi mi byela, leswaku a swi le Bibeleni ku ka mi nga dyi nyama hi Ravuntlhanu, na hinkwaswo swilo swo tani hi leswi, nakona “Holy Eucharist a hi xinkwa xo pfumala comela, hikuva i Moya,” na swin’wana. Kutani mi ya eka muprista wa n’wina, muprista a ku, “Hi leswi lahawani, swi tsariwile etsalweni ra hina.” Nakona loko kereke yi ri ku hetiseka ka n’wina, a mi na mhaka na leswi munhu un’wana ni un’wana a swi vulaka. Sweswo i ku hetiseka ka n’wina.

¹³⁴ O Xikwembu, pfuneta ku va leswi swi nwelela endzeni! Eka mina, nchumu hinkwawo wu hoxekile. Rito ra Xikwembu i ku hetiseka. Swin’wana na swin’wana leswi Rito rero ri swi vulaka, kutani sweswo swi lulamile.

¹³⁵ Sweswi, ndlela yi ri yin’we ntsena ku va ehenhla eswirhendzeutanananini leswi, leswaku mi nga ha va eka munhu lontsongo wa le ndzeni; kutani mi fanele kuva lava va hlawuleriweke emahlweni. Hikuva a mi ri na Xikwembu, mi xiave xa Xikwembu.

¹³⁶ A ndzi ri eka tatana wa mina. Na mina a ndzi ri eka kokwani wa mina, na kokwa wa kokwani wa mina. Hi mbewu, a ndzi ri eka sweswo.

¹³⁷ Nakona a ndzi ri eka Kreste. A mi ri eka Kreste ku nga si va na masungulo ya misava. U tile ku ta kutsula lava va nga va Yena N'winyi, va Yena N'winyi lava a va ri eka Yena. Haleluya! Vana va Yena lava a vari ndzeni ka Yena!

¹³⁸ A nga kalanga a ta ku—ku ta ponisa vana va javulosi. A va nge pfuki va Ri tivile. Nakona va tlharihe ngopfu eka dyondzo ya vona ya vutlharhi, lero mi nge ringanisiwi na vona. Mi ngaka mi nga vitaneli kuva tlula. Kambe, hi ripfumelo ma Ri vona.

¹³⁹ Sweswi, sayense a yi lavi ripfumelo ro karhi. Sayense yi khorwisa leswi va vulavulaka hi swona. A yi kali yi lava ripfumelo ro karhi.

¹⁴⁰ Muprista wa Mukhatholiki u ta mi byela leswaku, “Langutani leswaku i nkarhi wo lehisa ku yini kereke ya Khatholiki yi tatayisile. Langutani leswaku i nkarhi wo lehisa ku yini yi yimile ehansi ka minxaniso ya vuherdeni.”

Kereke ya Methodist yi ri, “Langutani lahawani leswaku i nkarhi wo lehisa ku yini . . .”

¹⁴¹ Ndzi vonile kereke...ku vulavula hi mfungho wa vukanganyisi; ku hundza hi patu tolo, ndzi wu vonile. Wu teri, “The church of Christ, yi simekiwile hi A.D. 33.” A yi se va na dzana ra malembe hi vukhale, wa vona, dinominexini leyi. Oho, mina! “Dyondzo ya vaapostola”? A va kumanga na nchumu. I Vasaduki va siku; a va na Moya, a va na . . . Nakona mi nge va byeli; mi ngaka mi nga vulavuli na vona; mi ngaka mi nga anakanyi na vona.

¹⁴² Hikuva, hi famba ku hundza ku anakanya. “U nga tshembhi ku twisia ka wena.” Ripfumelo a ri anakanyi na swintsongo. Ripfumelo ra Ri pfumela.

¹⁴³ Va ri, “Sweswi, langutani lahawani, xana mi pfumela leswaku hi fanele ku endla swilo leswi swa le ndzhaku lahaya? A swi twali! Sweswo . . .”

¹⁴⁴ Kambe Bibele yi vule tano. Ndzi ngaka ndzi nga hlamuseli hilaha swi humeletaka hakona, kambe swa humelela. Xikwembu xi vule tano. Kutani a mi fanelanga . . . Ndzi ngaka ndzi nga mi byeli nchumu mayelana na swona. Ripfumelo a ri Ri hlamuseli. Xana a mi switiva sweswo? Ripfumelo ro Ri pfumela ntsena.

¹⁴⁵ Yesu u byerile Nikodema, kusuka eka San- . . . huvo yo kondletela vun'we ya nkarhi wa Yena; u yile ka Yena ni vusiku, a ku, “N'wini, ha switiva leswaku U Mudyondzisi loyi a humaka eka Xikwembu, hikuva a kuna munhu loyi a nga endlaka swilo leswi U swi endlaka, handle ka loko Xikwembu xi ri na yena.”

¹⁴⁶ U teri, “Ndzi vurisile, ndzi ri ka n'wina, ‘Handle ka loko munhu a nga tswariwanga ra vumbirhi, a ngaka a nga ku voni ku Fuma ka Xikwembu.’”

¹⁴⁷ A ku, “Mina, wanuna loyi a dyuhaleke, ndzi vuyela ekhwirini ra manana wa mina, ku ta tswariwa ra vumbirhi?”

¹⁴⁸ A ku, “Sweswi Ndzi ta mi byerisa ku yini swa le Tilweni, loko mi nga kali mi pfumela swa le misaveni?” Wa vona?

¹⁴⁹ Kutani A ku, siku rin’wana, “Handle ka loko mi nga dya nyama ya N’wana wa Munhu, ni ku nwa Ngati ya Yena, a mi na Vutomi eka n’wina.” A nga swi hlamuselangi.

¹⁵⁰ Vaapostola lavaya na vona lava va nkarhi lowuyani, lava a va hlawuleriwe eVuton’wini; A switiva. U teri, “Hinkwaswo leswi Ndzi swi nyikiweke hi Tatana swi ta ta. Nchumu wun’we ntsena lowu mi faneleke ku wu endla i ku endla leswaku Rito ra Mina ri tiveka; va ri tiva, hikuva tinyimpfu ta Mina ti tiva Rito ra Mina.” Nakona vhoysi i rito leri ri hlamuseriweke. [Xivati lexi xi nga riki na nchumu eka thepi—Muhleri.] “Va Ri pfumela, hambi swi ri tano. A va boheki ku tiyisisa nchumu hi sayense, kumbe ku vutisa Musaduki wo karhi kumbe Mufarisi, kumbe nchumu wun’wana, ha swona. Ndzi swi vurile, va swi pfumela, hikuva tinyimpfu ta Mina ti twa Rito ra Mina.”

¹⁵¹ Nakona *Leri* i Rito ra Xikwembu hi xivumbeko xa papila, hikuva *Lowu* i nhlavutelo hinkwawo wa Yesu Kreste, Testamente ya Khale na Leyintshwa ti vekiwile kun’we. Amen. Mi kona kwalano.

¹⁵² Hikokwalaho ka yini? Mi ri, “Lava i vanhu va kahle. Xana i yini leswi swi va endlaka...” Hikuva, nchumu wun’we, ntirho lowu wu bohaka eka vona wule kerekene. Nakona lahawani... Ma tsundzuka Sonto lowu hundzeke, vhiki leri ri hundzeke; i vangani lava a va ri lahawani va nga twa nchumayelo wa *Vatotiwa EMasikwini Ya Makumu?* Ndzi ehleketa leswaku hinkwenu ka n’wina. Wa vona, va totiwile. Mimoya ya vona yi totiwile, eka mfumo *lowu* wa vumbirhi.

¹⁵³ Sweswi, wansati lowo sungula u ri... Ee, a nga na mhaka na leswi kereke yi swi vulaka, leswi munhu un’wana na un’wana a swi vulaka. Hi yena sekwa ro tlhariha. U na dyondzo ya le kholichi. A nga yi veka nale henhla ka nuna wa yena, ni ku ehleketa leswaku u tlharihile hi ku endla sweswo.

¹⁵⁴ Wansati lowun’wana “a nga ambalanga nchumu, u file mahlo, nakona a nga switivi.” Oho, swi terisa vusiwana, kambe xexo i xifaniso lexi Bibele yi hi pendeleke xona. Sweswi, u ya ekerekene. Wansati yaloye, kumbexani a ta antswa, wansati yaloye a tava.... U hanya lebyinene, vutomi lebyi baseke; a ku na nchumu wo lwisana na sweswo. Xikwembu xi tava Muavanyisi wa swona. A ndzi switivi; a ndzi Muavanyisi.

¹⁵⁵ Ndzo va ntsena...na vutihlamuleri bya leswi Xi ndzi kombetaka. Sweswo hi leswi vaapostola va swi vuleke. “Hi vula leswi hi swi tivaka, leswi hi swi tweke, leswi hi swi voneke.” Sweswo hi leswi ndzi nga na vutihlamuleri bya swona. Sweswo hi leswi mi nga na vutihlamuleri bya swona.

¹⁵⁶ Kambe sweswi, ma swi vona, loko mi nga teka wansati loyi a fanaka... Xana hi kwihi laha a heleleke kona? Wa vona? U famble hi ku rhendzeleka. U swi twile, ku ngari na ku kanakana; u pfulerile xiya na moya, minkarhi yo tala. Rito ra Xikwembu a ri vulavula, minkarhi yo tala. Hi swona, sweswi, wa vona, u ta lahawani eka ntlawa lowuntsongo wa vukhongeri bya mitolovel, xintlawani. Tikereke hinkwato i swintlawani. Swilo hinkwaswo, sweswo hi swona hakunene, swo va ntsena marhavi ya mavandla yo karhi laha vanhu va hlangelatanaka kun'we tani hi vuxirho. Kutani wa suka lahawani; hi swona, sweswo swi n'wi ringana kahle. Sweswi loko mi ya ku ya n'wi byela leswi a faneleke ku swi endla, a nge mi yingisi. Mi n'wi kombeta swona eBibeleni; a nge Swi yingisi.

¹⁵⁷ Sweswi, boti wa mina loyi a rhandzekaka, sesi wa mina, ntsena kan'we kumbe ka mbirhi ku nyika miehleketo hi nga se pfala. I kotara ku kondza, nkarhi wa ku hi huma; khume ntlhanu wa timinetse.

¹⁵⁸ Sweswi vonani, ndzi lava ku mi vutisa swin'wana. Hikokwalaho ka yini wansati yaloye a nga swi voni? Hikokwalaho ka yini swi n'wi tsandza? Hi mayelana na kuva evuoswini bya xinyama, eka nuna wa yena, a nga na nandzu; a nga na swo tivula vudyoho ha swona. U basile tani hi leswi a ri xiswona hi siku leri a tswariweke hi rona; a ku na wanuna loyi a n'wi khomeke.

¹⁵⁹ Ndzi vulavula hi ku vandzakana sweswi, eka wansati, eka kereke. U basile tani hi leswi a ri xiswona hi siku leri a tswariweke hi rona. Hi swona, sweswo hi leswi kunenene kereke yi nga xiswona, tani hiloko a tswariwa, kambe u "tswariwile evudyohweni, a vumbiwa a vubihini, a ta..." Ma swi vona leswi ndzi swi vulaka?

¹⁶⁰ Sweswi mi n'wi byela leswaku swi hoxekile kuva a tsemeta misisi ya yena; Bibele yi vule tano. Swi hoxekile kuva a ambala leswo koma; Bibele yi vule tano. A ta ku, "A swi twali." Hikokwalaho ka yini? Ku hetiseka ka yena a kule hansi *lahawani*, eka munhu loyi wa vunharhu, munhu wa le ndzeni loyi a hlawuleriweke emahlweni ni ku rhumiwa kusuka eka Xikwembu. Kambe ku hetiseka ka yena ku le ka vandla ro karhi ehandle *lahawani*, leri wanuna un'wana a ri kondleteleke ehandle ka Leswi. Wa vona?

¹⁶¹ Kambe loko Rito ra Xikwembu ri ri ehansi ka munhu loyi wa le ndzeni, ri ri, "Amen! Ndza swi vona." Ri fola na Rona. Sweswi vonani lahawani. Swingaleswi, munhu loyi a tswariweke hi Moya wa Xikwembu...

¹⁶² Wa vona, *lahawani* i nyama ya le handle. Nakona ndzi vulavula enhlengelatanweni leyi hlangananeke, ndzi ta vulavula tani hi wa n'wina—tani hi mufundhisi wa n'wina, tani hi makwerhu wa n'wina. *Lahawani* i nyama, yi tsanile,

yi bohiwile hi...Wansati lontsongo u famba exitarateni; mufana un'wana ntsena eka malembe ya vuntshwa, loko a ri na khume nkombo, khume nhungu, makume mbirhi wa malembe hi vukhale, makume mbirhi-ntlhanu, makume nharhu, a rhendzelekela kwalahaya...Kutani wansati lontsongo a ta, a ti sohasoha hi tindlela hinkwato, miri wa yena, a famba hi pherhe ya tintanghu ta swirhendze swo ya ehenhla; yena a tlakuka hinkwako emahlweni na le ndzhaku; nakona rhoko yi ri *leyi* yi ngaya ehenhla ka matsolo, kumbe pherhe ya leswo koma. Xana ma swi tiva leswaku Bibele yi vule leswaku u ta endla ku kotisa sweswo? Ma swi tiva, Bibele yi vule leswaku yaleyo hi yona ndlela leyi a nga ta endla ha kona, hilaha a nga tava a thyakile.

¹⁶³ Xana mi swi hlayile leswi lahawani, *Reader's Digest* ya nhweti leyi, leswaku, "Vavanuna na vavasati va nkarhi lowu, swinhwenyetana, kusukela eka makume mbirhi kumbe makume mbirhi-ntlhanu wa malembe hi vukhale, a va ha yi emasikwini," leswaku mi hundza eka ku cinca ka vutomi emalembeni ya le xikarhi ya vutomi, hi kuya hi sayense, exikarhi ka makume mbirhi na makume mbirhi-ntlhanu. A swi tolreveleke ku va kwalomu ka makume nharhu kumbe makume nharhu-ntlhanu, hi nkarhi wa mina. Hi nkarhi wa manana wa mina, wansati a nga fiki eka ku ka a nga ha yi emasikwini ku kondza a va na makume mune kumbe makume mune-ntlhanu.

¹⁶⁴ Xana i yini? Swi hikwalaho ka sayense, na swakudya, leswo hayibrediwa, leswi swi encenyeteke miri wa munhu hinkwawo ku kondza hi hundzuka nyandza ya—ya—ya nhulu ya leswi swi bolaka. Hi swona, loko munhu wa xinyama a borile, xana nsisha wa byongo eka munhu loyi wa xinyama a wu bolanga xana?

¹⁶⁵ Sweswi vonani Moya, lowu wu landzelaka. Ku ta ta nkarhi, hi Vito ra Hosi, laha vanhu va nga ta hlanya hi ku hetiseka. Bibele yi vula tano. Va ta kalakala ni ku huwelela; swin'wana leswikulu swo chavisa emiehleketweni ya vona. Swiya na moya na swin'wana, minonganoko ya hina ya thelevhixini, yi le ku swi humeleriseni. Ku tava na swilo swo tani hi masokoti lama nga ta pfuka emisaveni, lama nga tava ehenhla tani hi minsinya ya khume mune; ku tava na—na—na xinyenyani lexi xi nga ta haha ku tsemakanya misava, hi timpiku ta mune kumbe ntlhanu wa timayili ku tsemakanya; kutani loko vanhu va swi vona, va ta kalakala na ku huwelela, na ku rilela ku tsetseleriwa. Kambe ku tava Mintungu. Yimani ku kondza ndzi chumayela hi ku pfuleka ka Mintungu yaleyo.

¹⁶⁶ Langutani leswi Muxe a swi endleke ehansi ka munhu wa xinyama, ku nga ri wa Ximoya, loko Xi teri, "Muxe..." Xikwembu xi teri ka Muxe, "Yana kona kwalahaya," eka muprefeta wa Xona, "nusa ntshuri lowu wu tataka xandla, u wu haxa ehenhla emoyeni kutani u ku, 'HI LESWI HOSI YI SWI VULAKA, tinhwala ti ta ta ehenhleni ka misava.'" A ku ngari na tinhwala. Nchumu wo sungula lowu mi wu tivaka, va sungurile

ku vona nchumu wun'wana wu kokova exihlahleni. Va languta lahaya, ku na nchumu wun'wana. Kutani endzhaku ka nkarhi, a ti fumbanile lero a mi nga ta phendla ku hundza hi le ka tona.

¹⁶⁷ Xana ti ta ti huma kwihi? Xikwembu i Mutumbuluxi. Xi nga endla leswi Xi swi tsakelaka. Xi na matimba hinkwawo. Xi nga endla xi-xi xinyenyani lexi xi nga fikisaka—fikisaka timpiku ta xona kusuka eka tlhelo rin'wana ra misava ku ya eka lerin'wana.

¹⁶⁸ U teri, “A kuve na mabawa, ya tata misava hinkwayo.” A ku ngari na bawa etikweni. Nchumu wo sungula lowu mi wu tivaka, bawa lerikulu ra khale ri sungule ku haha hinkwako. Nchumu wo sungula, a kuri na nhungu kumbe khume, khume mbirhi. Nchumu wo sungula lowu mi wu tivaka, a mi nga ta hundza hi le xikarhi ka wona. Xikwembu, Mutumbuluxi, xi hlaysia Rito ra Xona.

¹⁶⁹ Kutani u tlakusile nhonga ya yena, eku leriseni ka Xikwembu, ni ku vula leswaku, “Mintlambya a yi humeeli ni ku tata misava.” Swingaleswi mintlambya yi tile ku kondza yi tlhandlakanyana, tinhulu, nakona risema a ri ri hinkwako, kumbexani makume mune kumbe ntlhanu wa magoza ku ya ehenhla, hi mintlambya. A yi ri ekhabodweni ya—ya Faro. A yi ri endzeni ka...ku hundzuluxa lakani, kutani a kuri na ntlhanu wa madzana ya mintlambya ehansi ka lakani, ehansi ka mubedwa, eswakudyeni. Hinkwako laha va yeke kona, a kuri mintlambya, mintlambya, mintlambya. Xana yi ta yi huma kwihi? Xikwembu, Mutumbuluxi, i xa matimba hinkwawo. Leswi Xi swi vulaka, Xi ta swi endla!

¹⁷⁰ Nakona Xi te ku tava na swilo swo chavisa emisaveni. “Tinjiya ta misisi yo fana ni ya vavasati,” misisi yo leha, ku ta xanisa vavasati lava va tsemetaka misisi ya vona. “Meno yo fana ni ya tinghala; na mindzhombho emincilene ya tona, kukotisa swipame; ti ta xanisa vanhu, tinhweti.” Ntsena yimani ku kondza hi fika eku pfuleni ka Mintungu na Swilemo, na tona Tindlati ta Nkombo, mi vona leswi swi nga ta humelela. Oho, makwerhu, swa antswa u fika eGoxen loko ka ha ri na nkarhi wa ku fika eGoxen. U nga yingisi swin'wana swa leswi swale handle.

¹⁷¹ Langutani lahawani. Hi loyi manana lontsongo loyi a tisohasohaku ku rhelela hi xitarata; hi loyi nakulorhi lontsongo, matihlo ya yena ya swi vona. U xirho xa kereke. U Mupertekostal. U swin'wana ni swin'wana leswi a nga swona. Kambe nchumu wo sungula lowu mi wu tivaka, a ku na mhandzi yo khomelela eka yona *lahaya*. U ta ku, “Xewani.” U na misisi yo songana, niku va muxaka wo languteka kahle, jaha ra makatla yo lulama; kumbexani u ringetile ku hanya kahle. A sungula ku famba a ya eka yena, hambi ku ri muchumayeri. Xo sungula lexi mi xi tivaka . . .

¹⁷² Xana i yini? Leswi ehandle *lahawani*, ku navela ka nyama; na moya ehansi *lahawani*, hambi swi ri tano wu totiwile, wu ku, “U nga swi endli, u nga swi endli.” Kambe xana swi ta endla yini? Swi ta rhendzeleka hinkwako, lahaya ku khomelela, lahaya ka famba. Xo sungula mi xi tivaka, u le ku ringetenka ku n’wi vuta. U na nandzu wa ku endla vuoswi, hambi wa n’wi khumbha kumbe ee.

¹⁷³ Kambe, wa xiviri, n’wana wa Xikwembu loyi a tswariweke ra vumbirhi! Amen! U ngaka u nga swi endli hi wexe. A swi endleki kuva wa—wa xinuna loyi a nga na ntamu a famba emahlweni ka wa xisati kukotisa sweswo, ehandle ka kuva ku humelela swin’wana. Kambe loko ku ri na Xin’wana endzeni; Xin’wana xintsongo lexi xi tswariweke ra vumbirhi *lahawani*!

¹⁷⁴ Hambi loko wanuna yaloye a huwelerile, a vulavula hi tindzimi, a tlulatlurile, a cinile, leswin’wana hinkwaswo, a totiwile hi Moya; a endlile hinkwawo masingita na mahlori lama Xikwembu xi ma vuleke lahaya, hi Moya wa Xona! Yesu u teri, “Votala va ta ta eka Mina enkarhini walowo, va ku, ‘Hosi, xana a hi profetanga hi Vito ra Wena? Xana a hi hlongolanga madimona hi Vito ra Wena? Xana a hi...’” A ku, ““Sukani ka Mina, n’wina vadyohi.”” Xana i yini vadyohi? Swin’wana leswi u switivaka ku swi endla, nakona u nga swi endli. ““Sukani ka Mina, n’wina vadyohi; a Ndzi mi tivangi.””

¹⁷⁵ Kambe le hansi endzeni ka wanuna yaloye, loko ximhandzana xo bohela xi ri kona le ndzeni, yona Mbewu ya Xikwembu leyti a yi hlawuleriwe emahlweni ku nga se va na masungulo ya misava; a ndzi na mhaka leswaku ku humelela yini, swa n’wi khoma. Swi ta tshama kwalahaya.

¹⁷⁶ Hikwalaho wansati luya a ta ambala leswo koma. U hlayiwa tani hi nghwavavani, ku fana ni wansati loyi a swi endlaka. Wa vona? A nga switivi leswaku wona moya...Xana u swi tivisa ku yini? Ku hetiseka ka yena.

¹⁷⁷ Xana ku hetiseka i yini? I rito ro hetelela. Ku hetiseka i amen. I makumu ya minkwetlembetano ya n’wina hinkwayo, ku hetiseka ka n’wina.

¹⁷⁸ Nakona loko kereke ya wena, kereke ya Pentekostal, leyti yi mi byelaka leswaku, “Misisi yo leha na swin’wana kova ntsena ku bayiza. Mi na thayere ra xipherhe, endzhaku ka nhloko ya n’wina,” na swin’wana, muxaka wa swilo sweswo, wanuna yaloye u ngheniwile hi javulosi.

¹⁷⁹ Hikuva, Rito ra Xikwembu ri teri, “I tingana kuva wansati a tsemeta misisi ya yena. U ta xumbadza nhloko ya yena.” Tani hiloko a xumbadza nuna wa yena, nakona nuna wa yena i Kereke, nakona Kereke i Kreste, hi yena nghwavavani ya vukhongeri leyti yi khomisaka tingana; a nga ambalanga nchumu nakona a nga switivi. A nga ambalanga! Xana

Bibele a yi vulanga leswaku, “Xifunengeto xa wansati i misisi ya yena”? Xana a nga nyikiwanga misisi leswaku yi va xifunengeto xa yena?

¹⁸⁰ Siku rin’wana, eka Xitulu xo Avanyisa! Ndzi ringetile ku chela Murhi endzeni, ni ku Wu khoma hi mavoko ya mina, kutani mi Wu pherile endzhaku wu huma hi le xikarhi ka tintiho ta n’wina. Xikwembu xi tava avanyisa siku rin’wana. Sweswo hi LESWI HOSI YI SWI VULAKA. A ku vanga ntława wa swiphukuphuku, kumbe mukhalabya un’wana wo hlanya loyi a hlangananeke. A swi tano. Hikuva, i Rito ra Hosi.

¹⁸¹ Kutani lonene, Mukreste wa xiviri u ta kondzelela hi munhu wa le ndzeni, Moya lowu a wu ri le masunguleni, lowu wu nga Rito.

¹⁸² Tani hilaha A nga ku hetiseka ka n’wina hinkwenu, a mi ri eka Yena eXihambanweni. U swi tivele emahlweni leswaku mi tava kona. U haxa ntsena leswi swi nga ta humeleta. Nakona a mi ri eka Yena; mi file na Yena. Mi file eka vutikukumuxi bya n’wina, mi file eka tifexeni ta n’wina, mi file eka swa misava. Loko A . . . Mi file na Yena eXihambanweni, kutani mi pfukile na Yena loko A pfuka nakambe hi siku ra vunharhu. Nakona hikuva mi swi amukerile, sweswi mi tshamile etindhawini ta le Tilweni eka Kreste Yesu. Haleluya!

¹⁸³ Hi sweswo. I munhu yaloye wa le ndzeni. Loyerwa le ndzeni loyi a nga ta hikahata Rito, a khomelela eRitweni, swi nga ri na mhaka. U ngaka u nga tikhomi. Ndzi swi dyondzile sweswo, malembe yo tala lawa ya hundzeke.

¹⁸⁴ N’wana lontsongo wa mina u pavalarile lahawani, a ri eku feni. Nsati wa mina a pavalarile lahawani endzeni ka . . . endzeni—endzeni ka yindlu leyi va kombisaka kona vafi, a totiwile ni ku latiwa. Va ndzi vitanile kwalahaya, nakona Sharon a ri eku feni. Wolowo hi wona ndzingo wo nonoha ku tlurisa lowu ndzi nga tshama ndzi hlangana na wona evuton’wini bya mina. A ndzi ri na kwalomu ka makume mbirhi-ntlhanu wa malembe hi vukhale. Ndzi humile lahaya, nakambe Billy Paul a etlele eka xiymo xa rifu.

¹⁸⁵ Dokodela Sam u tile, a ku, “Bill, a ndzi ehleketi leswaku hi ta n’wi ponisa Billy. Nakona mina . . .” A ku, “U le ka xiymo xo biha.” A ku, “Bill, ndzi ku twela vusiwana.” A tlhandleka mavoko ma yena ehenhla ka mina.

Ndzi ku, “Dok, a ndza ha ri na matimba yo ringana.”

¹⁸⁶ Tiawara to hlaya, ndzi n’wi foyinerile, n’wana wa mina, Sharon, ndzi n’wi tsutsumisele kwalahaya, u . . . ku ta vona ku konya ka yena; a ku nga yimi. Va tlhandlekile nayiti elongweni ra yena; va ri boxa, va tlakusela xikombiso ehenhla, thubakhola menenjheyithisi. Swi tano.

¹⁸⁷ Ndzi phendlile ndlela ya mina ehandle ku ya exibedlhele; ndzi yimisa lori ya mina ya khale hi lahaya, kutani ndzi huma ni ku sungula ku famba ndzi rhelela ekamareni. Ku tile Sam hi le hansi ka holo, na xihuku xa yena evokweni ra yena, a ri karhi a rila, a fika a ndzi vukarha, a ku, “Tlhelela endzhaku, Bill.”

Ndzi ku, “Xana xiphiqo i yini?”

A ku, “U ngaka u nga ha n’wi voni.” A ku, “U le ku feni, Bill.”

Kutani ndzi ku, “Ee, Sam, ku ngari n’wana wa mina.”

¹⁸⁸ A ku, “Ina.” A ku, “U nga kali u n’wi kombela, Bill. Loko a nga hanya,” a ku, “u tava loyi a xanisekaka.” A ku, “U ta tshamela ro tlakuriwa, nakona u ta xaniseka vutomi bya yena hinkwabyo.” A ku, “U na menenjheyithisi.” A ku, “U nga yi ekusuhi na yena; u—u ta dlaya Billy hi ku endla sweswo.”

Ndzi ku, “Sam, ndzi fanele ku n’wi vona.”

¹⁸⁹ A ku, “U ngaka u nga swi endlili, Bill. Ndza—ndza ku alela. Sweswi, wa switiva hilaha ndzi ehleketa hakona hi wena, nakona u munghana wa mina na hinkwaswo,” a ku, “hilaha ndzi ehleketa ha wena,” a ku, “ni hilaha ndzi ku pfumelaka hakona, Bill,” a ku, “kambe u nga—u ngayi eka n’wana yaloye.” A ku, “Loko u endla tano, . . . Menenjheyithisi yi le ka yena.” Wa vona? A ku, “U tava a fambile hi timinetse tintsongo, nakona,” a ku, “u nga . . . hi ta n’wi lahla.” A ku, “Bill, ndzo ku twela vusiwana ntsena.”

¹⁹⁰ Kutani a vitana, u byerile, u vitanile muongori, ku ndzi kumela muxaka wun’wana wa murhi. A ku, “A ndzi tivi leswaku wanuna loyi u swi kotisa ku yini ku yima.”

¹⁹¹ Ndzi yimile kwalahayani nkarhi nyana. U tisile murhi. Ndzi tshamile ehansi, endzeni ka holo. U teri, “Tshama.” Nakona muongori u wu tisile, a ku, “Nwana leswi, Makwerhu Branham.”

¹⁹² Ndzi ku, “Ndza khensa. Wu veki kwalano ehansi nyana.” Loko a sukile kukotisa sweswo, ndzi wu cherile endzeni ka xibyi xo phela eka xona; ndzi veka nghilazi ehansi.

¹⁹³ Ndzi tshamile kwalahaya. Ndzi ehleketa, “O Xikwembu, xana ndzi endlile yini? U Xikwembu xa kahle. Hikokwalaho ka yini U n’wi tshikile a fa, siku lerin’wana, ndzi n’wi khomile hi swikatlana swa yena swimbirhi kukotisa sweswo?” Ndzi Xi kombela hikwalaho ka yena. “Hikokwalaho ka yini U n’wi tshika a famba? Hi luyani Billy a pavaleke lahaya, a ri eku feni; na yena hi loyi lahawani, a faku. Xana ndzi endlile yini? Ndzi byeli! Hi swona, na mina ndzi nga ti fambela na vona.”

¹⁹⁴ Ndzi pfurile rivanti, nakona a ku ngari na muongori kwalahaya. Ndzi nyengeletela emuakwini wa le hansi. Sweswo a kuri loko xibedlhele xi nga si lunghisawa. Swo siva, ku ngari na swo siva emafasitereni, a swi kala, nakona tinhongani a ti ri eswitinhlwanini swa yena. A kuri na xiphemu xo xisivela tinsuna, hi xi vitana tano, nete lowu tlhandlekiweke ehenhla

ka xikandza xa yena. Ndzi hlongorile tinhongani; ndzi etlela kwalahaya. Swimahlwani swa yena, u xanisekile ngopfu ku kondza laha va vilelaka.

¹⁹⁵ Kutani Sathana u tile hi le tlhelo ka mina lahaya, kutani a ku, "Xana u vula leswaku hi Xona Xikwembu xa kahle?"

Ndzi ku, "Ina, ndzi swi vurile sweswo."

¹⁹⁶ "Xana u vurile leswaku hi Xona Muhorisi? Hi swona, hikokwalaho ka yini tatana wa wena a fele emavokweni ya wena lahaya, u ri karhi u huwelela, yena a ri mudyohi, u huwelela vutomi bya yena? Hikokwalaho ka yini boti wa wena a fele emavokweni ya boti wa wena lowun'wana, lahaya, nakona wena u yimile u ri karhi u chumayela ephulphitini, mavhiki mantsongo lama hundzeke?" A ku, "Kutani hikokwalaho ka yini Xi nga ku hlamlulanga? U teri Xi ku rhandzile ni ku ku ponisa."

¹⁹⁷ A nga ta ndzi byela leswaku a kuna Xikwembu, hikuva khale ndzi Xi vonile. Kambe a ndzi byela leswaku a Xi na mhaka na mina.

¹⁹⁸ A ku, "Hi luya nsati wa wena a etteleke lahaya. Vana va wena va tava kwalahaya ku ngari khale. Tatana wa wena u lahliwile. Boti wa wena u lahliwile. Nakambe nsati wa wena u ya eku lahliweni sweswi, mundzuku. Nakona hi loyi n'wana wa wena lowun'wana, a nga eku feni. Xana i Xikwembu xa kahle? Yhaa? I Muhorisi?" A ku, "U ti endlile xiphukuphuku hi wexe!"

¹⁹⁹ Xana swi endlile yini? Ku sukela... a swi tirha ku sukela ehandle, sweswi, ku ya eka munhu lowo sungula.

²⁰⁰ A ku, "Sweswi languta. Ma swi tiva, loko wa hari eka malembe nyana lawa ya hundzeke, kwalomu ka mambirhi kumbe manharhu lawa ya hundzeke, loko u nga se amukela Leswi, a wu anakanyiwa kahle exikarhi ka vanhu. A wu hanya kahle, vutomi lebyi byi baseke. Nhwenyana un'wana na un'wana edorobeni, loyi a lava ku humesiwa, a ta tihumesa na wena, hikuva a va titwa va basile ni kuva lavanene." A ndzi ta yima emahlweni ka un'wana na un'wana wa vona. A ndzi kalanga ndzi rhukana na un'we, a ndzi kalanga ndzi vula na nchumu. Loko a tiendla ingaku u tlharihile, a ndzi ta n'wi yisa ekaya. "Nakona a wu tsakeriwa exikarhi ka vanhu. Kambe xana u yini sweswi? Bayizani wa swa vukhongeri."

²⁰¹ "Sweswo hi swona. A ndzi ri tano." Ma swi vona swilo leswi swi sungula ku famba swin'we? Swa le handle, ku anakanya eximoyeni, swi fambisa swilo leswi kun'we. "Sweswo swi lulamile, Sathana."

"Nakona xana u teri a Xi ri Muhorisi?"

"Ina. Ham. Ina."

²⁰² "Nakona u kombela u tlhela u rila, nakona vanhu va ku byela leswaku a swi nga ri tano, leswaku hinkwenu mi

humile elayinini. Kereke leyi yi nga ya wena yi ku hlongola, hikwalaho ka Leswi. Kereke ya wena ya Baptist ehansi lahaya, yi ku humesile hi nyangwa, hi xivangelo lexi fanaka.”

“Ina.”

²⁰³ “Tatana wa wena u lahliwile. Boti wa wena u lahliwile. Nsati wa wena u etlele lahaya, leswaku a ta lahliwa. Hi loyi n'wana wa wena, ntsena endzhaku ka khume ntlanu wa timinetse kutani u tava a fambile. Kutani hi Xona Muhorisi? Nyama na ngati ya wena n'winyi; Rito rin'we kusuka eka Xona ri nga ponisa vutomi bya n'wana. ‘Hi Xona Muhorisi,’ u vule tano. Vanhu va ringetile ku ku byela. Muchumayeri u ku byerile leswaku a wu hlangananile; a wu hlangane nhloko eka hinkwaswo; a wu hundzukile bayizani wa swa vukhongeri. Nakona u teri Xa ku rhandza. Xana a Xi ta ku rhandza xana?

²⁰⁴ “Ni hilaha u rileleke papa wa wena hakona! Hilaha, vusiku byin'wana na byin'wana, u titsoneke, ni loko u...ni nhlikanhi, loko u ta fanela ku khongela, ku yima emhandzini, ku tirha. Ni loko Xi n'wi tshikile a fela emavokweni ya wena, a ri mudyohi.

²⁰⁵ “Hilaha nsati wa wena, a ri wansati wa kahle njhani, ni hilaha a wu n'wi rhandza hakona!” Manana wa Billy; votala ma n'wi tsundzuka Hope. “A ri nhwenyana wa kahle njhani! Hilaha a wu tsakile hakona, ximutana xa wena lahaya; na kwalomu ka nkombo kumbe nhungu wa tidolara hi ku durha ka fanichara, i fanichara muni leyi a wu ri na yona, kambe hambi swi ri tano a wu n'wi rhandza; nakona a mi...nakona a mi rhandzana. Nakona mi yile mi ya khongelela van'wana; nakona, nyanyuko wun'wana wa miehleketo, va yimile na kuya ekule na ku vula leswaku va tshamisekile. Kambe sweswi nsati loyi a nga wa wena; hi luya lahaya, u file, i siku ra vumbirhi sweswi, a etlele eka muako wa timuxara, Scott na Combs. I Muhorisi xana? Ahaa?

²⁰⁶ “Nakona xifanyetana xa wena eka xiyimo xa rifu, Billy Paul, khume nhungu wa tinhweti hi vukhale. Na xinhwenyetani xa wena, xa nhungu wa tinhweti hi vukhale, xi etlele lahawani, a ri eku feni, hi menenjheyithisi. Nakona wa ha ku khongela; kutani Xikwembu xi kokele lakani ehansi, xi ku, ‘Miyla!’ A ndzi ku twi, ndzi nge ku twi, na swintsongo! Xi hundzuluke xi ku komba nhlana wa Xona. I Xikwembu xa kahle xana? Ahaa? Xa ku rhandza xana? Nakona nhwenyana un'wana na un'wana loyi u kaleke u famba na yena, mufana un'wana na un'wana loyi u kaleke u ti hilanganisa na yena, vanghana va wena va xiviri, va famberile ekule na wena tani hi bayizani wa swa vukhongeri.”

²⁰⁷ Xin'wana na xin'wana lexi a ndzi byela xona a xi ri ntiyiso. Xin'wana na xin'wana lexi a ta xi vula, a xi wela ntsena elayinini, wa vona, *lahawani*. Hi nkarhi wolowo a ndzi lunghekile ku vula leswaku, “Kutani mina, loko sweswo ku ri ndlela leyi Xi nga ta endla hakona, kutani ndzi nge Xi tirheli.”

²⁰⁸ Tani hiloko ndza ha vula sweswo, ku vile na Xin'wana lexi xi teke kusuka kun'wana, ehansi endzeni. Xi ku, "Hi wena mani wena, xo sungula? Hosi yi nyikile, kutani Hosi yi tekile." Wa vona, yaloye i munhu wa le ndzeni, mi nga anakanyi na swintsongo.

²⁰⁹ Ndzi langutile endzhaku, kutani ndzi ehleketa, "Xana ndzi te njhani la emisaveni? Ndzi huma eka ntlawa wa swidakwa. Xana ndzi te njhani lahawani? Xana i mani loyi a ndzi nyikeke vutomi? Xana i mani loyi a ndzi nyikeke nsati yaloye? Xana i mani loyi a ndzi nyikeke n'wana yaloye? Xana nsati wa mina u huma kwihi? Xana vutomi bya mina byi huma kwihi?" Ndzi ku, "Ni loko Xi nga ndzi dlaya, hambi swi ri tano ndzi ta Xi tshembha."

Ndzi ku, "Suka eka mina, Sathana!"

²¹⁰ Ndzi tlhandlekile voko ra mina ehenhla ka n'wana. Ndzi ku, "Sharon, murhandziwa, ndzi ta ku lata emavokweni ya manana wa wena eka timinetse tintsongo, loko Tintsumi ta Xikwembu ti ta ku teka, kambe siku rin'wana papa u ta ku vona nakambe. A ndzi switivi hilaha swi nga tava hakona, murhandziwa. A ndzi nge ku byeleswaku hi mukhuva wihi; loko Xi hundzuluxa nhlana wa Xona ku ndzi fularhela, a ndzi nga ha ta twa nchumu kusuka eka wena."

²¹¹ Xi pfumelerile nsati wa mina a fa, nakona ndzi n'wi khomile hi mavoko, ndzi ri karhi ndzi n'wi rilela. Kutani papa wa mina, emavokweni ya yena, u fele evokweni leri kona *kwalahawani*; a langutile ehenhla eka mina, a ri karhi a ringeta ku kuma moyo. Nakona ndzi khongerile hilaha ndzi koteke hakona. Xana a ndzi ta yimisa ku yini emahlweni ka vanhu nakambe, ku chumayela hi ku horisa ka Matimba ya le henhla? Xana a ndzi ta chumayirisa ku yini leswaku hi Xona Xikwembu xa kahle, ni ku tshika papa wa mina a fa, a ri mudyohi? Xana a ndzi ta swi chumayerisa ku yini sweswo? A ndzi switivi leswaku hi mukhuva wihi, kambe ndza switiva leswaku Xi lulamile.

²¹² Rito ra Xikwembu ri ngaka ri nga tsandzeki. Ri ta hlula, swi ngari na mhaka leswaku i yini. Kutani ndzi swi tivile leswaku a kuri na Xin'wana endzeni ka mianakanyo hinkwayo, Xin'wana endzeni ka vunyanyuki hinkwabyo, swilo leswin'wana hinkwaswo swo tani hi sweswo. A kuri na Munhu wa le ndzeni loyi a khomile eka awara yaleyo. Ku hava xin'wana lexi a xi tava xi swi endlile; ku anakanya kun'wana na kun'wana, xin'wana na xin'wana a xi ta kombisiwa, xin'wana na xin'wana a xi ta tiyisisa leswaku a Swi hoxekile, nakona a ni hoxile. Kambe Rito ra Xikwembu, leri ri hlawuleriweke emahlweni ku nga se va ni masungulo ya misava, ri khomelerile hi le ndzeni.

²¹³ Ndzi twile Swimoyani swi hi le muakwini. Moya wa yena wu yile ku ya hlangana na Xikwembu.

²¹⁴ Boti, sesi, ndzi pfumeleleni ndzi mi byela, Walowo i nchumu wuri woxe. Mi nga ringeti ku Wu anakanya. Mi nga ringeti kuva na misisi yo leha hikuva ndzi vule tano. Mi nga ringeti ku endla swilo leswi ntsena, hikuva, enyameni ya n'wina. Mi nga ringeti ku swi endla, ntsena ku kota ku tiyisela. Kambe yimani emahlweni ka Hosi, ku kondza Xin'wana xi va ehansi hi le ndzeni!

²¹⁵ Votala va n'wina mi ehleketa leswaku, hikuva mi ri na misisi yo leha, sweswo swi vula leswaku mi ya eTilweni. A swi vuli swona. Votala va vona va ehleketa leswaku, hikuva u kahle, wansati wa mikhuva leyinene, u ya e...?... A swivuli swona sweswo. Votala va vona va ehleketa leswaku, hikwalaho ka tikereke ta vona, ni kuva va wela eka *leyi*, na mintlawa *leyi* yikulu, na madokodela lamakulu ma swa Matimba ya le henhla. Sweswo a swi vuli swona. Wa vona?

²¹⁶ Votala va ehleketa leswaku, hikuva va vulavula hi tindzimi, va ni Moya lowo Kwetsima. Sweswo a swivuli swona. Hambi leswi, Moya lowo Kwetsima wu vulavulaka hi tindzimi. Kambe ku kondza lowa ntiyiso, Moya lowo Kwetsima wa xiviri endzeni wu ta fambisana na Rito rin'wana na rin'wana! Loko Moya lowo Kwetsima walowo wu ri endzeni ka n'wina, lowu wu mi endlaka mi vulavula hi tindzimi, wu languta endzhaku lahaya nakona wu nga pfumelelani na Rito hinkwaro, kutani i moyo lowu wu hoxekeke. Wa vona?

²¹⁷ Swi fanele ku ta kusuka endzeni, leswi nga Rito, kusuka emasunguleni. "Emasunguleni ya ku tumbuluxa ka Xikwembu," loko Xikwembu xi sungula ku tumbuluxa, xi mi tisa eku hanyeni, ma swi vona. Mi sungurile endzhaku lahaya tani hi mbewu, mi tirhiwa ku fika laha mi nga kona sweswi. Kutani, endzhaku, hinkwenu a mi ri eka Kreste. Kutani loko Kreste a fa, U fele ku mi kutsula hinkwenu. Nakona mi xiave xa Rito *leri*, nakambe xana swi nga endlekisa ku yini... Bibele, hinkwayo ka Yona! "Nawu ehenhla ka nawu, ku lerisa ehenhla ka ku lerisa; mhaka yin'wana sweswi, mhaka yin'wana endzhaku." "Ku hava thonsi na rin've kumbe vala ri nga ta tsandzeka." Xana swi nga endlekisa ku yini emisaveni ku va n'wina, mi nga xiphemu xa Rito lero, mi kanetana na Rona hinkwaro, kumbe xiphemu xin'wana na xin'wana xa Rona?

²¹⁸ Xikwembu a xi mi katekisi. Ndzi hundzisile nkarhi sweswi. A ndzi nga vuli ku swi endla leswi, ku mi khomeleta nkarhi lowo leha. Ndza tisola ku va ndzi mi khomeletile; a ndzi tisoli eka leswi ndzi swi vuleke.

Hi le makun'wini ya swin'wana, vanghana.

²¹⁹ N'wina hinkwenu lahawani, ndza vhumbha, mo va swirho ntsena lahawani swa kereke. A ndzi fiki, hi nkarhi, ku ta vona leswaku i swingani swirho leswi swi nga kona. Ndzi anakanya leswaku hinkwenu ka n'wina hi n'wina lava mi taka

lahawani hi minkarhi hinkwayo. Ndzi pfumeleleni ndzi mi byela swin'wana leswi humeleleke. Xana mi nga ndzi lomba, a hi nge, tin'wana timinetse ta ntsevu? [Nhlengeletano yi ku, "Amen."—Muhleri.]

²²⁰ Xana yaloye a nga va a ri Muf. Nkul. O. Walker lahawani kusuka eOregon, loyi a ri kona lahawani hi—hi Sonto luwani a ndzi ri lahawani? Xana ku ngava ni munhu loyi a tivaka sweswo? A swi ri kahle, nchumu lowu wu nga tollovelekangiki.

²²¹ Ndzi tile lahawani, a kuri na vanhu votala endzeni, ndzi—ndzi vile...ndzi vile na nyandza ya vukonanisi, nakona hinkwabyo a byi lulamerile; mufana wa vona, vana, lava tekanekе, swidakwa, na—na swilo swo hambana, nakona swilo leswi ringaneleke ntsena. Un'wana na un'wana wa vona a fanele kuva a voniwile. Ndzi ngaka ndzi nga swi endli hinkwaswo sweswo. Kutani ndzi mi nyikela eka Xikwembu, ni ku veka mavoko ya mina ehenhla ka vona, exikhongelweni. Ndzi teri, "O Xikwembu, a ndzi—a ndzi nga ta swi endla. Yana eka vona, Hosi, endla...Wa switiva ku swi endla. Ndzi khongeleta un'wana ni un'wana."

²²² Billy u ndzi vitanile. A ndza ha ku nghena na Makwerhu Banks. U teri, "Papa, loko u..."

²²³ Kutani, vonani, ndzi vona vanhu va chayela ku hundza hi lahayna nkarhi wun'wana, endleleni, va langutisa endzeni. Na mina ndzi va langutisa, kutani ndzi va tatayisa kukota *sweswo*, nakona va—va va ekusuhi na ku hundzuluxa tinhloko ta vona. A ndzi lavi leswaku mi swi endla sweswo.

²²⁴ Siku rin'wana loko va ri eku xaveni ka ndhawu liyani eTucson ku va ndzi ta tshama kona, Makwerhu Tony a ri na ndhawu ehenhla leyi a lava ku ndzi xavela yona, kutlula kwalomu ka nharhu kumbe mune wa leswi ndhawu leyi yi durhisaka swona. A lava hambi kuri ku hoxa magidi yo tala ya tidolara eka yona, hi yexe. Kambe ndlela yin'we ntsena leyi u nghenaka hi yona lahayna, murindzi wa nyangwa a yimile ehandle lahayna. Ya kahle leyikulu...Hi swona, i swo engetela ehenhla lahayna. Kambe un'wana na un'wana...Vanhua lava tshamaka kona, mi fanele kuva na papila ra mpfumelelo, kutani murindzi loyi wa nyangwa wa mi foyinela ni ku vona loko swi lulamile kuva mi nghena.

²²⁵ Ndzi teri, "Xana u nga anakanya, mina, vaboti na vasesi wa mina lava va taka ku ta ndzi vona, lava va lavaka ku ndzi qhavula ni ku ndzi kombelela minkateko eka Xikwembu, xana wa ndzi anakanya mina ndzi ti vekile lahayna, Tony?"

A ku, "Hi swona, u na..."

²²⁶ Ndzi teri, "Tony, ndlela leyi kereke na vona hinkwavo va endlaka leswaku vanhu va nga ti," ndzi ku, "sweswo i swa vanhu lava nga na hinkwaswo leswi va lavaka ndzi swi endla."

²²⁷ Va, va ri, "Hi swona, Hosi yi ndzi byerile. Haleluya! Ndzi ta tshama kona kwalahawani. A ku dzunisiwe Xikwembu! Hosi yi ndzi byerile leswaku u fanele ku khoma nhlengeletano lahawani entlaweni wa hina. Ina, nkulukumba, a ku dzunisiwe Xikwembu! Xikwembu xi ndzi byerile sweswo. Loko u nga swi endli, Makwerhu Branham, hakunene u tava u wile." Mina endzeni ndzi ri karhi ndzi ringeta ku hlaya, wa vona. Sweswo hi leswi, wa vona. Nakona ko tala munhu nene u beriwa ehandle, loko a nghanile endzeni, hikwalaho ka sweswo.

²²⁸ Ntsena ku kotisa wanuna loyi a yaka eku hloteni ehandle lahawani epurasini. N'wa-mapurasi a ku, "Nghena endzeni. U nga hlotu." Kutani u huma lahaya u balesela yin'we ya tihomu ta yena; mpfundlha wu tsutsumela ehansi ka homu, nakona u balesela mpfundlha, hambi swi ri tano. U khandziya darata, ematshan'wini yo ya emhandzini ni ku khandziya tani hilaha wanuna wa mikhuva leyinene a faneleke ku endla hakona; u khandziya darata ni ku yi tshovisa sweswo. Wa vona? Swingaleswi u ta ku, "Ndzi ta biyeleta ndhawu!" A ndzi—a ndzi n'wi soli na kan'we, na kan'we. Hi swona, xana u endla yini? U sivela muhloti wa mikhuva leyinene ku nghena endzeni. Swi tano hi minkarhi hinkwayo. Hi lowo biha loyi a sivelaka lavanene kuva lavo rhanga. Swi tano nkarhi hinkwawo.

²²⁹ Sweswi, kambe vanhu va kona va tano, magidi va na swilaveko swa xiviri nakona i vanhu va kahle, vanhu va riirhandzu, lava va taleke tintswalo ta Xikwembu.

²³⁰ Sweswi hi na leswi, hilaha vanhu lava va teke kukotisa sweswo. A hi, a hi swi lavi sweswo, ee.

Kambe wanuna loyi u tile . . .

²³¹ Billy u teri, "Tsutsumela ehansi sweswi, hi xihatla, papa." A ku, "Manana Waldorf i lahawani hansi na vanhu van'wana va nga eku feni; u fanele kuva vona xikan'we-kan'we." Ndzi tsutsumele endzeni; ndzi ta ehansi lahawani.

²³² Kutani loko va vuya, va teri, "A ku na munhu ehansi handle ka wanuna loyi a etteleke etlhelo ka tlhelo, ehandle lahaya, exikhegelweni masiku hinkwawo, etlhelo ka muako." Va ku, "U lava leswaku u n'wi khongeleta."

Ndzi ku, "Swi lulamile." Ndzi ku, "Ndzi ta n'wi nghanisa endzeni." Ndzi nghanile endzeni.

²³³ A kuri na, ndzi ehleketa leswaku, Cadillac a yi tshamile endzhaku lahawani, kumbe muxaka wun'wana wa movha lowukulu. Ndzi khandziyile endzeni, a kuri . . . Kutani wanuna yaloye a ku, "U njhani ku pfuka." A nga ndzi tivi.

²³⁴ Kutani ndzi nghanile endzeni. Nakona Sesi Waldorf, nchumu wa xisiwana xa khale, u nghanile endzeni. Ma swi tiva, a ri . . .

²³⁵ Ma yi tiva mhaka ya yena, a mi yi tivi xana? Wa vona, a ri na mfukuzani; a fela elayinini ya xikhongelo, kwalomu ka awara ndzi nga se fika eka yena. Dokodela wa yena u tile, a kombisa... Sweswo swi vile khume nhungu wa malembe lawa ya hundzeke, mfukuzani embilwini, wa vona, kutani u le ku hanyeni namuntlha. Nakona u tshama ehansi eArkansas sweswi.

²³⁶ Kutani a ri ePhoenix, nkarhi luwa. Nakona u teri, "Makwerhu Willie, a ndzi swi venga ku nghenisa xi leswi, kambe," a ku, "A ndzi ngari na ndhawu yo tshama eka yona. Va endlile... Va teri leri hu-... wansati loyi u ya eku feni. Oho, Makwerhu Willie!"

²³⁷ A ku, "A ndzi lava ku ku tisela minyikelo wuntsongo evokweni ra mina, Makwerhu Willie," a ku, "kambe a ndzi nga ta swi kota. Kambe ndzi longile jeli ya tirhobeyila."

²³⁸ Oho, loko ndzi yile ehenhla ni ku vona swinghilazani swa jeli leyi a yi vekile lahaya, ndzi... a yi languteka yi ri leyo kwetsima swinene kuva ndzi yi dya. Wa vona? Wansati ya loye lontsongo wa khale loyi a rhandzekaka, wa kwalomu ka makume nkombo wa malembe hi vukhale. Ndzi teri, "Sesi Hattie..." A ndzi—a ndzi nga ta ala. Ee. Yesu u vonile wansati luya wa noni a hoxa tipeni tinharhu, nakona U—U—U n'wi tshikile a ri yexe. Wa vona? Ee. Xikwembu xi ta n'wi hakela hikwalaho ka swona. Ina.

²³⁹ Swingaleswi Hosi yi n'wi horisile wansati, yi horisile hinkwaswo leswi a ri na swona, yi paluxerile mufundhisi wa yena leswi, yena, a ri na swona emiehlekeweni ya yena, leswi a faneleke ku swi endla, nchumu wun'wana. Kutani, oho, hinkwavo va humile, va ri karhi va huweleta.

²⁴⁰ Kutani Billy u tsutsumerile endzeni. A ku, "Papa, wanuna luya u fambile. A ndzi swi koti..."

Ndzi ku, "Xana i mani loyi a nge le handle emovheni?"

²⁴¹ "Oho," a ku, "nakulorhi un'wana u tile haleno kusuka ehansi eOregon, a ku u na norho wo karhi. Nakona ndzi n'wi byerile leswaku, 'Ndzi ngaka ndzi nga ku nyiki ntshembho wa vunwa. Ku na madzana ma nharhu lahawani, lava va rindzeleke sweswi.'" Kutani a ku, "Swingaleswi ndzi n'wi byerile leswaku, 'Tsala norho walowo ehansi.' Ndzi ku, 'Ndzi na nhulu ya wona lahawani, yo lehisia xisweswo, hambi swi ri tano, nakona ndzi to wu engetela eka yona.'"

Ndzi ku, "N'wi nghenisi. U n'wi nyika ntlhanu wa timinetse."

²⁴² Hi swona, ku te loko wanuna a ha nghena, ntlhanu wa timinetse? U teri, "Hi mina Muf. Walker," ndzi ehleketa leswaku a kuri vito ra yena, "kusuka eOregon." Ndzi ehleketa leswaku i mudinominexini wo karhi, a ndzi switivi, Presbyterian, swin'wana swa Presbyterian.

²⁴³ U teri, “Ndzi hlanganile na wena kwalomu ka makume mbirhi wa malembe lawa ya hundzeke. A ndzi tile le Grants Pass laha u...” Ku ngari Grants Pass, kambe ndzi rivele vito ra ndhwau yaleyo. “Kwalahaya,” a ku, “tiko hinkwaro, tinhloko-mhaka emaphepheni mixo wun’wana na wun’wana.” A ku, “Munhu un’wana na un’wana a switiva mayelana na swona.” A ku, “A ndzi nga ta swikota na ku nghena emuakwini laha a wu ri kona, kambe ndzi ku vonile u ya ehenhla. Kutani siku rin’wana, exitarateni, ndzi tshinerile,” a ku, “mune kumbe ntlhanu wa vavanuna va ku rhendzerile, nakona ndzi qhavurile voko ra wena. Nakona u...Ndzi ku byerile leswaku hi mina Makwerhu Walker, kutani u ndzi byerile leswaku u mani.” A ku, “Hi hundziselanile marito mantsongo, kutani nharhu kumbe mune wa vavanuna vakulukumba lava a va ri na wena va ku sukumetele emahlweni.” U teri, “A ndzi ngari musandzi wa wena, nakona a ndzi ngari wa wena.” A ku, “A ndzo ka ndzi nga swi twisisi.”

²⁴⁴ U teri, “Swi yile emahlweni hi ndlela yaleyo eka malembe mantsongo, kutani endzhaku ka nkarhi,” a ku, “Ndzi...wanuna u ndzi byerile leswaku ndzi ya ndzi ya yingisela tithepi tin’wani, kwalomu ka malembe ma nharhu lawa ya hundzeke.” Kutani a ku, “Wanuna u tlangile tithepi. Nakona, loko a ti tlanga,” a ku, “Ndzi n’wi twile a vulayula.” Nakambe a ku, “Wanuna loyi a pfumela leswaku a wu ri—ri muprofeta. Ndzi ku, ndzi byeleye wanuna loyi, ‘A ndzi switivi mayelana na swilo sweswo; swi nga va tano, eka hinkwaswo ndzi swi tivaka.’”

²⁴⁵ Kutani, a ku, “Kutani wanuna un’wana u tile edorobeni ra hina, a vari na nhlengeletano, nakona ndzi hlanganile na yena. Kutani u teri, ‘Ndzi muprofeta wa Xikwembu eka nguva leyi.’”

²⁴⁶ U teri, “Mi vanhu vangani n’wina mi nga kwalano, hambi swi ri tano?” A ku, ‘Ndzi—ndzi—ndzi twa hilaha wanuna lahawani a nga eku yingiseleni ka tithepi, a ku, “William Branham, endzhaku evuxeni, a ri muprofeta wa siku,” na swin’wana swo kota sweswo.”

²⁴⁷ U teri, “Wanuna loyi...” A ndzi nge ri vuli vito ra yena, hikuva a swi nge twali swi ri kahle, lahawani, ma swi vona. “Kutani u teri, ‘Ndza n’wi tiva William Branham,’ a ku, ‘kambe u na vunwa eka Dyondzo ya yena.’ A ku, ‘A hi Mupertekostal; a nga pfumeli eka vumbhoni byo sungula.’ Nakambe a ku, ‘Nchumu wun’wana, u ri ku na vaprofeta lavakulu na lavantsongo. Ku hava swo fana na sweswo.’ A ku, ‘U muprofeta kumbe a wu muprofeta, nakona sweswo swi helerile.’”

²⁴⁸ A ku, “Hi swona, nkulukumba, ndzi...a ndzi phikizanangi na wena hi mayelana na swona. Ndzi lo vula ntsena leswaku ndzi twile wanuna loyi a vula leswaku wanuna loyi, William Branham...ni leswaku wanuna loyi u koxa leswaku hi yena muprofeta.” A ku, “Ndzi lo hlamlala leswaku xana i vangani.”

²⁴⁹ “U teri, ‘Kambe ndzi lava leswaku u tiva leswi. Ndzi muprofeta wa nguva leyi.’”

²⁵⁰ U teri, “Hi swona, xana u yena?” A ku, “‘Hosi a yi ku katekisi ni ku va na wena.’”

²⁵¹ U yile emahlweni, a nga kalanga a swi tekela enhlokweni. Kutani u ri u sungurile, exikarhi ka nhlangano wa vamakwerhu wa yena, nongonoko wa tinhharhu kumbe mune wa tinhlengeletano. Kutani u rhelerile eposweni, a ku, “Mi nga—mi nga cinci mapapila ya mina. Ya tshikeni lahawani ku kondza ndzi vuya, endzhaku ka masiku ya mune kumbe ntlanhu.”

²⁵² “Hi swona,” va vurile tano. Va vekile thikithi kwalahaya, leswaku ya nga cinciwi.

U rhelerile ni ku ya vona n’wana wa yena wa xisati.

²⁵³ Kutani ehandle epatwini, u—u yimile ekerekene. Nakona u vile na nhlengeletano leyi ya na vusiku. Hi mixo lowu landzelaka, u ri u tikumile a ehleketele leswaku, “Famba u ya teka switiswa swa un’wana ni un’wana.” Ku te loko a endlile tano, papila rin’we a ri phohlele eposweni ni ku fika eka n’wana wa yena wa xisati; n’wana wa yena wa xisati u ri rhumerile lahaya, eka ku dilivhara ka mani na mani.

²⁵⁴ Kutani u ri pfurile. Nakona u teri a kuri wanuna, Nkul. Hildebrandt, loyi a nga munghana wa mina, loyi a ri eku tlangeni ka tithepi. A ku Nkul. Hildebrandt u na rito kusuka eka Roy Borders (nakona yaloye hi un’wana wa timininjhhere, ma swi tiva), leswaku a ndzi ya eku khomeni ka nhlengeletano lahawani, leswaku kusukela ravumakume mbirhi-nhngu ku ya fika eka ro sungula, a ta vuya ni ku tivonela hi yexe.

²⁵⁵ U teri, “Sweswi, langutisa lahawani, vanhu lava va ringeta ku ndzi kokela endzeni ku kotisa sweswo!” Wa vona? Kutani u cukumetile papila endzeni ka xo chela thyaka, ni ku hundzela emahlweni, wa vona, kukotisa sweswo. U hundzele emahlweni a nghena ni ku khoma nhlengeletano madyambu yalawo. Nakona hi mixo lowu wu landzelaka . . .

²⁵⁶ Kutani u sungurile ku sivela mbilu ya yena, ku rila, kwalahaya endzeni ka kamara.

²⁵⁷ U teri, “Nkul. Branham, ndza swi lemuka leswaku ndzi fanele ku yima emahlweni ka Xikwembu.” U teri, “A ndzi switivi loko kuruku a ndzi ettele kumbe ku humelerile yini.” U teri, “Ndzi lorhile. Ndzi ta ku a ndzi ettele kutani ndzi lorhile.”

²⁵⁸ A ku, “Ndzi anakanyile hi jaha ra mina, emakete, ri ri karhi ri hoxa voko ra yena endzeni ka—ka saka.” Kutani a ku, “Loko a endlile tano, a kuri saka ra maapula, nakona hinkwawo ya hohlokile.” A ku, “Loko ndzi yile ku ya ma rhwalela, hinkwawo a ya ri maapula ya rihlaza lawa a ya lumiwile kan’we.” A ku, “A ndzi ri eku ya rhwaleleni, ndzi ya vuyisela esakeni.” A ku, “Yan’wana ya khungulukerile

ehandle, ni ku khungulukela ehansi, kutani ndzi yile ndzi ya ringeta ku ya ma kuma, nakona ehansi... ebyanyini.” Kutani a ku, “Ya khungulukerile ehansi ka tidarata leti ta nketani na gancu. Nakona a kuri na patu lerikulu leri a ri hundza kwalahaya. Ndzi langutile evuxeni, kutani,” a ku, “e—e—e nketani a yi hakiwile e—e ribyeni lerikulu evuxeni. Kutani ndzi tlhelerile kwalahaya, ni ku ehleketa leswaku ndzi ta veka nketani leyi ehansi, kutani ndzi ya kona ndzi ya teka maapula ya wanuna loyi.” A ku, “Ndzi sungurile ku veka nketani ehansi.”

²⁵⁹ A ku, “Rito ri ninginisile misava hinkwayo.” A ku, “Misava yi ninginikile, kusuka ehansi ka minkondzo ya mina.” Kutani a ku, “Endzhaku ka loko yi yimile ku ninginika, ndzi twile rito.” Nakambe a ku, “Makwerhu Branham, a kuri rito ra wena,” a ku, “Ndzi swi tivile; ku na nchumu wun’wana wu vuleke sweswo.” A ku—a ku, “Ri teri, ‘Ndzi ta tlhela ndzi khandziya hi ndlela leyi nakambe!’”

²⁶⁰ Kutani a ku, “Ndzi sungurile ku langutisa ehenhla eribyeni, ku kotisa *leswi*, ni ku langutisa, endzeni ku hundza hi mapapa. Nakona ehenhla-henhla, ku yima eribyeni leri fikelelaka kusuka evuxeni ku fika evupela-dyambu, hi xivumbeko xo tontswa ku kotisa *sweswo*, tani hi phiramidi, ri tsutsumela haleno endzhaku evuxeni, nakona,” a ku, “A wu yimile hi lahaya, ehancini leyi ndzi nga si tshamaka ndzi vona nchumu wo fana na yona evuton’wini bya mina; hanci leyikulu yo basa, ntshiva wo basa a wu nembelela ehansi.” Kutani a ku, “A wu ambale tani hi hosi ya Mukula, ni hinkwaswo swilo leswi Makula va swi tirhisaka.” A ku, “A ri na xisirhelelo xa xifuva; tibendlele emavokweni, na le hansi hinkwako ku rhendzelekisa xisweswo.” A ku, “A wu yimisele mavoko ma wena ehenhla ku kotisa *sweswo*.” Nakambe a ku, “Hanci liyani a yi yimile lahaya tani hi hanci ya masocha, na magoza yo tani hi *lawa*, loko yi famba,” mina ndzi yimile ndzi nga ninginiki. Kutani a ku, “U kokile midzwa, u sukile u kongoma evupela-dyambu.”

²⁶¹ A ku, “Ndzi langutile ehansi lahaya, nakona a kuri na vativi va sayense votala.” Kutani hi mixo lowu wu landzelaka... Walowo a wu ri Mugqivela. Hi mixo lowu wu landzelaka, ndzi chumayerile hi vativi va sayense, ma swi tiva, kuva va ri va javulosi. Kutani a ku, “Vativi va sayense lahaya a va chela swilo endzeni ka tinghilazi, ni ku swi pfanganyisa.” A ku, “U yimisile hanci, u yimisela mavoko ma wena ehenhla nakambe u huwelela. ‘Ndzi ta tlhela ndzi khandziya hi ndlela leyi nakambe!’” Nakambe a ku, “Misava hinkwayo yi ninginika. Vanhu va ninginisiwa,” a ku, “va langutisa ehenhla ni ku langutisana un’wana eka un’wana, tani hi *sweswo*, ni ku ku langutisa. Va khindlatile makatla ya vona, va ya emahlweni ni ndzavisiso wa vona wa xisayense.” Kutani a ku, “U sungurile ku famba u kongomile evupela-dyambu.”

²⁶² “Kutani loko swi endlekile,” a ku, “Ndzi vonile wanuna loyi a tivula muprofeta, wa switiva,” a ku, “u tile a ri hancini ley i a yi pfanganyisiwile kun’we hi ko basa ni ka ntima.” Nakona a ku, “U sukile a yima endzhaku ka hanci leyikulu.” A ku, “A kuri yona,” a ku, “ekule ehenhla ka mapapa, nakona patu a ri nga se helela hi ku anama *loku*.” Kutani a ku, “Hanci yaleyo yi lo cina ntsena, eka moy a lowu a wu hunga tinsiva na hinkwaswo e—e swiambalweni swa wena,” nakambe a ku, “kutani ntshiva na ncila wa hanci a swi hunga. N’winyi lonkulu, hanci leyikulu yo basa, yi famba elayinini.” Kutani a ku—kutani a ku, “Nakulorhi loyi u tsutsumile hi le ndzhaku ka wena, a ta a huma hi le Canada,” nakona wanuna u tshama eCanada. Kutani u teri, “U tlhelerile endzhaku, nakona,” a ku, “u tekile xihancani xa yena, a ringeta ku tlatlalatela hanci ya wena hansi; ku yi hundzuluxa; a endlela leswaku tinyonga ta yona ti banana na . . .” A ku, “A swi kalanga swi yi susumeta hanci leyikulu; yi lo ya emahlweni ni ku tifambela.”

²⁶³ A ku, “Kutani, hi xitshuketani,” a ku, “u hundzulukile.” A ku, “Walowo wu tava nkarhi wa vunharhu laha u vulavuleke, kambe hi nkarhi wa vumbirhi u teri ‘Ndzi ta tlhela ndzi khandziya.’” Kutani a ku, “A wu vulavulanga tani hi le kusunguleni. U lerisile.” A ku, “U hundzulukile ni ku vitana wanuna hi vito, nakona a ku, ‘Suka lahawani! Wa swi tiva leswaku ku hava munhu loyi a nga khandziyaka hi patu leri ehandle ka loko Xikwembu xi n’wi vekile ku swi endla. Suka lahawani!’”

²⁶⁴ Kutani a ku, “Wanuna u hundzulukile.” Nakambe a ku, “Wanuna u ndzi tsalerile mapapila.” Nakona a ku, “Ku tsemakanya hi tinyonga ta hanci ya yena,” ley i ya ntima na mpun’wa, ni ku pfanganyisiwa kun’we, a ku, “ku tsemakanya hi tinyonga ta hanci ta yena a ku a ku tsariwile vito ra yena, ku sayina tani hilaha swi nga kona epapileni ra yena. Kutani u khandziyile a kongoma en’walungu.”

²⁶⁵ A ku, “Kutani u yile ehansi; hanci ya leyo leyikulu yi hundzulukile, ekule evupela-dyambu tani hilaha a wu ta swikota.” A ku, “U yimile ni ku yimisela mavoko na wena ehenhla ku kotisa *sweswo*.” Kutani a sungula ku rila. A ku, “Makwerhu Branham, ku vona hanci liyani yi yimile lahaya; hinkwaxo xidlhoko lexi xa tinsiva na hinkwaswo swo tani hi sweswo, kutani,” a ku, “xifunengeto xexo xa xifuva na hinkwaswo swi vangama.” A ku, “U yimiserile mavoko ya wena ehenhla nkarhi wo leha nyana.” Kutani a ku, “U langutile ehansi nakambe, u tlakula midzuva, u ku, ‘Ndzi ta tlhela ndzi khandziya hi ndlela ley i nakambe!’” A ku, “Misava hinkwayo yi ninginikela endzhaku ni le mahlweni, ku kotisa *sweswo*.” Nakambe a ku, “A ku nga ha salanga vutomi endzeni ka mina; ndzi lo wela etlhelo ka ribye. Kutani ndzi pfuka.”

A ku, “Swivula yini xana, nkulukumba?”

Ndzi ku, “A ndzi switivi.”

²⁶⁶ Mixo lowu wu landzelaka . . . Junior Jackson, loyi a lorheke hi mayelana na phiramidi, ma swi tiva, loko ndzi humile ndzi ya evupela-dyambu. Ma swi tsundzuka sweswo xana? U ndzi foyinerile, nhweti kumbe timbirhi ku nga si endleka sweswo. A ri na norho lowu wu hisaka; a fanele ku ndzi byela wona. Kutani ndzi teri, “Billy . . .”

²⁶⁷ A kuri na kwalomu ka makume mbirhi lava a va yimile ehandle. U teri, “Junior Jackson, ehansi lahayu, u teri u fanele ku ku byela norho lowuya.”

Ndzi ku, “N’wi nghanisi endzeni, kwalomu ka ntlhanu wa timinetse ntsena.”

²⁶⁸ U nghanisile nsati wa yena endzeni, kutani, a ku, ku va mbhoni. U teri, “Ndzi lorhile, Makwerhu Branham, mina na nsati wa mina a hi ri ehandle eku khandziyeni.” Kutani a ku, “Ndzi langutisile endzhaku evuxeni, kutani ndzi vona, lexi xi langutekaka tani hi, vala, tani hi xin’we xa swiphambati leswi swi hahaka.”

²⁶⁹ Wa vona, misava a yi switivi leswaku sweswo i yini, ma swi tiva. Ma swi tiva leswaku swi kona. Ha swi tiva leswaku i yini. Wa vona? Ha swi tiva leswaku i ndzavisiso, Tintsumi ta ku avanyisa, ma swi vona. Ni hilaha ePentagon ni hinkwako, mayelana ni hilaha ti xikeleke ehansi; na vutlharhi, hilaha ti nga [Makwerhu Branham a thokoza kan’we hi tintiho ta yena—Muhleri.] fimbaka tani hi ku hatima ni kuva ti fambil, ti sukela ekule ni xin’wana na xin’wana lexi ti nga xi kuma. Wa vona, a va swi lemuki leswaku i yini, wa vona. Va tshikeni va ehleketa swin’wana na swin’wana leswi va swi lavaka. Va swi vitana swiphambati leswi swi hakaka, kumbe swin’wana. A va switivi, wa vona.

²⁷⁰ A ku, “Kutani ndzi xi vonile xi ri ekuteni, nakona ndzi xi hlalerile. Nakona leswi a xi ri xiswona, a kuri wanuna ehenhla ka hanci.” Kutani a ku, “A ta hi rivilo ra rihat.” A ku, “Ndzi vonile leswaku a ya eku ehleleni emahlweni ka mina. Kutani ndzi yimisile movha wa mina, ndzi tlulela ehandle. Loko swi endlekile,” a ku, “movha . . . hanci a yi yimile epatwini, hanci leyikulu yo basa ya masocha yi ri karhi yi famba hi magoza lama ma tlakukeke.” Rero i Rito, hakunene, ma swi tiva, ku famba hi magoza lama ma tlakukeke.

²⁷¹ A ku, “A kuri na wanuna loyi a tshamile kwalahaya.” A ku, “A—a ambarile swiambalo swa xiwesteni; a nga ri ricowboy, kambe,” a ku, “a languteka tani hi ndhuna ehenhla ka vahlayisi va ntumbuluko kumbe swin’wana.” Wa vona, matimba ya vundhuna bya yena hinkwabyo, kusuka evupela-dyambu; Makula ehenhla ka Makula; vahlayisi va ntumbuluko ehenhla, wa vona. Kutani a ku, “Wanuna a kokerile xihuku xa yena ehansi, nakona a ri na . . . a langutile ematlhelo.”

Nakambe u teri, "Loko a hundzulukerile ematlhelo," a ku, "a kuri wena, Makwerhu Branham." A ku, "A wu si tshama u vulavula ku kotisa leswi u endliseke xiswona. U teri, 'Junior!'" U n'wi vitanile ka nharhu. "Kutani u ku, 'Ndzi ta ku byela leswi u faneleke ku swi endla.'" Nakambe a ku, "Kutani u kokerile midzuva ya hanci leyi ehenhla. U tsutsumile hi magoza manharhu yo leha, kutani u hahela exibakabakeni, nakona u fambile u kongoma evupela-dyambu."

²⁷² U teri, "Yima nyana, ndzi langutisile hinkwako, kutani hiloko ku ta hanci leyintsongo eka liyani, ya muxaka lowu wu fanaka, kambe yi ri yintsongo, nakona yi yimile." A ku, "Ndzi rhendzelekile, ndzi ku, 'U tava a ndzi rhumerile leyiwani.'" A ku, "Ndzi yi kumile." (Junior u khandziyile nyana swintsongo, na yena. U teri, "Xana wa swi tiva hilaha xo tshama xa wena xi ku ringanaka hakona, Makwerhu Branham, swo khandziya na hinkwaswo?") A ku, "Ndzi ehleketele, 'Hi swona, leswi swi ndzi ringana kahle.' Swingaleswi ndzi kokile midzwa ni ku yi yimisa, ku ya exibakabakeni." A ku, "Ndzi kokerile midzwa ni ku yi yimisa, ndzi n'wi hundzuluxa a tlhelela endzhaku. Wa vona? Loko ndzi ya endzhaku," a ku, "Ndzi yimisile hanci, ndzi chika, ndzi vulavula na nsati. Hanci a yi fambile." Nakona yi....?

²⁷³ Kutani, tolweni, masiku manharhu lama ma hundzeke, ku tile Leo Mercier, a ta na norho lowu wu fanaka, a nga tivi nchumu hi mayelana na wona; mayelana na ku ringeta ku tswarisa hanci leyikulu ya xinuna yo basa eka hanci ya xisati ya ntima, nakona a ti swi kotanga; a ti chava. A ku ndzi yile kwalahaya, ndzi ku, "Leo," ni ku n'wi byeli leswi ndzi swi endleke. A ndzi lavi ku swi vula lahawani, wa vona, kambe ndzi n'wi byerile leswi ndzi swi endleke. "Ndzi ku, 'Xana a wu swi voni? Sweswi, ku tiva leswi; a ndzi nga switivi leswaku Ed Dalton u na mukon'wana, nakona mukon'wana u na mbyana ya vito leri. U ta switiva, Leo, leswaku u le ku lorheni. Kambe, loko u pfuka, swi tsundzuki!'" Kutani a ku, "A ndzi se tshama ndzi twa xileriso xo tano."

²⁷⁴ Hi nkarhi wolowo, ku nghenile Roy Roberson, a ku, "Makwerhu Branham, xana wa ha tsundzuka le ndzhaku loko u nga se sukela kereke ro sungula? A hi ri... Ndzi ku vonile u tshamile, tani hi le Palestine. A hi ri hinkwerhu, bodo na hinkwaswo, a hi tshamile tani hi tafula ra xilalelo xa Hosi, kutani u vulavurile. Nakona u... A ngari na ntiyiso hi leswi a wu vulavula hi swona." A ku, "Papa ro basa ri enhlerile ehansi ri fika ri ku ku kuma, ri ku tekela ekule." I vangani lava va tsundzukaka e—norho wa Makwerhu Roy? Kutani a ku, "Papa ro basa ri ku tekerile ekule," nakambe a ku, "kutani u va u fambile. Ndzi fambile hi switarata, ndzi huwelela ni ku rila."

²⁷⁵ Loko ndzi fikile lahawani, nakona mudyuhari lontsongo wa voko leri ri lamaleke, tani hiloko a ri, eku hlayeni ka

leswi. U cukumetile hariki kutani a sungula ku rila loko a ndzi vona ndzi ya kwalahaya. A ndzi n'wi vonanga kutani u ndzi byerile hi norho. Nakona u teri...Kutani a ri eku harikeni. Ndzi teri...

²⁷⁶ “Kutani—kutani u yile ekule.” A ku, “Ndzi fambile hi switarata, hinkwako, ndzi ringeta ku ku kuma. A ndzi kalanga ndzi ku kuma, ku hava na kun’we. A ndzi ri eku huweleleni, ‘Oho, Makwerhu Branham, u nga fambi!’” A ku, “Papa ro basa ri tile ri ta ku ku kuma, nakona ri ku tekerile ekule na hina, ku kongoma evupela-dyambu.” Kwalano a ku nga se va na phiramidi kumbe xin’wana. A ku, “Ri ku tekile ku kongoma evupela-dyambu. Kutani ndzi ririle, nakona ndzi fambile hi switarata.”

²⁷⁷ A ku, “Endzhaku ka nkarhi ndzi yile ni ku ya tshama etafuleni. Ndzi ti kumile ndzi langutile enhlokweni ya tafula.” A ku, “A ndzi swi vona leswaku vunyingi *lebyi* bya wena, a byi basile bya gamboko.” A ku, “A wu yimile lahaya.” Kutani a ku, “U vulavurile hi matimba. A ku ngari na ku vhumbha eka swona.” A ku, “Munhu un’wana na un’wana u swi twisisile leswi u swi vuleke.”

²⁷⁸ Oho, boti wa mina, sesi, sweswi, un’wana na un’wana wa n’wina loyi a titwaka, ndza switiva leswaku sweswo swi vula yini. Wa vona?

²⁷⁹ Ntsena langutisani! Tshamani ekusuhi na Kreste. Ndzi pfumeleleni ndzi mi tshinya sweswi, tani hi ministara wa Evhangeli, ha leswi. Mi nga teki vuphukuphuku byin’wana na byin’wana. Mi nga anakanyi nchumu wun’wana na wun’wana. Tshamani kona kwalahaya kukondza vundzeni lebyi bya vundzeni byi khomelela eRitweni, leswaku mi lulamile eka Kreste, hikuva wolowo i nchumu wu ri wun’we lowu wu nga ta... Hikuva, hi le ka nguva leyi yi kanganyisaka swinene leyi hi nga si tshamaka hi hanya eka yona. “Swi ta kanganyisa na vona Vahlawuriwa loko swi nga koteka,” hikuva va na ntoto, va nga endla xin’wana na xin’wana ku kotisa lava van’wana hinkwavo.

²⁸⁰ Basisani vutomi bya n’wina. Hakelani swikweleti swa n’wina. “Mi nga koloti na munhu na un’we,” ku vule Yesu. Sweswi, sweswi, ndzi vula, swo tani hi rhente ya yindlu ya n’wina na swin’wana, mi fanele ku swi endla. Susani swilo swa n’wina hinkwaswo emavokweni ya n’wina. Lulamisani swilo hinkwaswo. Lulamiseleni. Ti lulamiseleni. Tsundzukani, hi Vito ra Hosi, swin’wana swi lava ku humeleta.

²⁸¹ Ndzi ya etintshaveni vhiki leri, kungari ku ya hlota vamaxinjani; hikuva, ndza swi rhanda ku hlota vamaxinjani. Kambe ndzi ya lahaya hi xikongomelo lexi, xi nge, “O Xikwembu, a ndzi switivi leswaku ndzi famba hi ndlela yihi, nakona a ndzi swi lavi ku hundziwa hi leswi. Ndzi pfuni.”

²⁸² Mi ndzi khongeleta. Xana mi ta swi endla? Ndzi ta va ndzi ri eku mi khongeleti. Ndza tshembha, hi tintswalo ta

Xikwembu, leswaku ndzi ta hlangana na un'wana na un'wana wa n'wina, nakona hi ta hlangana eTikweni ro antswa kutlula leri nga lahwani.

²⁸³ Nakona xana hi tela yini lahwani? Xana hi le ku endleni ka yini? Xana hi ta lahwani, ku ta tlanga geyimi? Xana hi ta lahwani, ku ta hlangana tani hi le vuwiselweni? I, Kreste a ngaka a nga vuyi kukondza Kereke yaleyo yi lulama hi ku hetiseka. U yimerile hina. Ndzi pfumela leswaku hi le makumu.

²⁸⁴ Langutisani, eCalifornia. Langutisani madzolonga. Langutisani ku dlayiwa ka khume nkaye wa vanhu, xihlawula-mbala. Xana a ndzi mi byelanga, lahwani ku ngari khale ngopfu, leswaku Martin Luther King yaloye u ta rhangela vanhu kuya eku ndlayiweni ka nhlayo yo tala? I vangani lava va swi tsundzukaka sweswo? [Nhlengeletano yi ku, "Amen." —Muhler.] A hi vona vanhu va makhaladi; i varhangeri va va kondletelaka. A hi ku hlanganisiwa, ku hambanyisiwa, na swin'wana na swin'wana leswi va lavaka ku swi vitanisa xiswona; i javulosi. Hi swona. Ku nga ri ntsena lava vo basa, makhaladi; leswi swi le ka vona hinkwavo. I javulosi.

²⁸⁵ Vuswikoti bya miehleketo na swivangelo swa vanhu swi tshovekile. A ka hari na ku tshembha. Swi le kule ni ku tshembha. Nchumu hinkwawo i mbanga leyi boleke. Vuswikoti bya miehleketo ya munhu; a byi swikoti ku teka swiboho.

²⁸⁶ A ndzi n'watipolotiki. A ndzi yena, hambi yi ri Democrat kumbe Republican. Hinkwawo ya thyakile. Ndzi wa Mfumo wun'we, nakona wolowo i Mfumo wa Yesu Kreste. Hi sweswo ntsena. Kambe swi endlekise ku yini emisaveni ku va mi vona nyandza ya van'wampopi tani hi lava hi nga na vona lahaya sweswi, tani hi nyandza liyani ya Texans leyi hi nga na yona lahaya? "Hikokwalaho ka yini," va ri "swin'wana na swin'wana leswi vanhu va swi lavaka! Loko va lava xikhomunisi, hi tava nyika xikhomunisi. Loko va lava ku hlanganisiwa, hi tava nyika ku hlanganisiwa. Va lava ku hambanyisiwa, hi nyika swin'wana na swin'wana." Xana swi... Xana u kwihi wanuna?

²⁸⁷ O Xikwembu! Sweswo swi fana na phulphiti. Xana u kwihi wanuna, wanuna loyi a nga wanuna, loyi a yimelaka nawu? Xana va kwihi vavasati lava va yimelaka nawu? Xana yi kwihi kereke leyi yi yimelaka nawu? Ndzi hava nkarhi lowu wu ringanaka nxavo wa nikelle hikwalaho ka lowu wo ka wu ngari na ripfumelo ro tiya, wo pfumelela, moyo wo xavelela. Wansati i wansati, a vi manana. Loko wanuna a ri wanuna, a vi wanuna.

²⁸⁸ Loko a ri presidente... Xana u kwihi John Quincy Adamses wa hina? Xana u kwihi Abraham Lincolns wa hina, vavanuna va nawu? Xana u kwihi Patrick Henry wa hina, loyi a nga teri, "Ndzi nyikeni ntshuxeko kumbe mi ndzi nyika rifu"?

²⁸⁹ Xana u kwihi wanuna loyi a yimelaka leswi swi lulameke? Xana u kwihi wanuna loyi a nga chaveki ku vula mavonelo

ya yena? Swi ngari na mhaka, leswaku misava hinkwayo yi lwisana na yena, a vula mavonelo ya yena eka leswi swi lulameke; kutani a swi yimela ni ku swi fela. Xana u kwihi Arnold von Winkelried wa hina nakambe namuntlha? Xana va kwihi vavanuna va vutshembheki? Xana va kwihi vavanuna lava va nga na moya? A va na ripfumelo ro tiya na ku phamiwa ku kondza va nga ha switivi leswaku va yima kwihi.

²⁹⁰ Xikwembu, ndzi pfumeleli ndzi yima hi milawu ya Wanuna un'we, tani hi ministara, Rito ra Yesu Kreste. "Hikuva matilo na misava swi ta hundza, kambe Ri ngaka ri nga tsandzeki. Ehenhla ka Ribye leri Ndzi ta aka Kereke ya Mina; tinyangwa ta tihelle ti ngaka ti nga yi hluli."

A hi yimeni.

Ku katekile xibohi lexi xi bohaka
Timbilu ta hina eka rirhandzu ra Xikreste;
Xinakulobye xa miehleketo leyi yi fanaka
Xi kotisa xa loyi a nga eHenhla.

Sweswi khomanani hi mavoko.

Loko hi handzuriwa,
Swi hi nyika xitlhavi xa le ndzeni;
Kambe hambi swi ri tano hi tava ha ha
khomanile etimbilwini,
Ni ku tshembhela ku tlhela hi hlangana
nakambe.
Ku kondza hi hlangana! ku kondza hi
hlangana!
Ku kondza hi hlangana eminkondzweni ya
Yesu;
Ku kondza hi hlangana! ku kondza hi
hlangana!
Xikwembu a xive na n'wina ku kondza hi
hlangana nakambe!

²⁹¹ A hi korhamiseni tinhloko ta hina sweswi, loko Makwerhu Neville a hi hangalasa, hi rito ra xikhongelo.

²⁹² Mi vuya madyambu lawa, sweswi. Hi languterile xikhongelo xa kahle vusiku bya namuntlha, lahwani tabernakeleni. Xikwembu a xi mi katekisi. Nakona mi ndzi khongeleta; ndzi ta mi khongeleta.

²⁹³ Mi nga ehleketi leswaku ndzi bayizani, vanghana. Mi nga ehleketi leswaku ndzi ringeta ku susumetela swin'wana eka n'wina. Ndza mi rhandza. Nakona ndzi na nawu, lowu wu nga Bibele. Ku hava Rito na rin'we leri ri nga susiwaka eka Yona. Ku hava rito na rin'we leri ri nga engeteriwaka eka Yona. Nakona ndzi Yi pfumela hilaha Yi tsariweke hakona.

²⁹⁴ A hi korhamiseni tinhloko ta hina sweswi, kutani wa hina lowo tshembheka, mufundhisi wa kahle a ntshuxa nhlengeletano. Xikwembu a xi ku katekisi, Makwerhu Neville.



NAKONA A WU SWITIVI TSO65-0815
(And Knoweth It Not)

Hungu leri hi Makwerhu William Marrion Branham, ri sungurile ri hangalasiwa hi Xinghezi hi Sonto ni mixo, Mhawuri 15, 1965, eTabernakeleni ya Branham eJeffersonville, Indiana, U.S.A., ri tekiwile kusuka eka nkandziyiso wa thepi ya maginetiki kutani yi tsariwa yi nga khomananga hi Xinghezi. Hundzuluxo lowu wa Xitsonga wu tsariwile wu hangalasiwa hi Voice Of God Recordings.

TSONGA

©2016 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Xitiviso Xa Mpumelelo Wo Kopa

Timfanelo hinkwato ti hlayisiwile. Buku leyi yi nga ha kandziyisiwa hi printara yale kaya leswaku munhu a ti tirhisela kumbe ku yi phakela, yi nga hakerisiwi, tani hi xitirhi xo hangalasa Evhangeli ya Yesu Kreste. Buku leyi a yi xavisiwi, yi humesiwa hi xikalo lexikulu, yi vekeriwa eka “website,” yi hlayisiwa eka tisisiteme leti ti nga swi kotaka kuva yi tekiwa, yi hundzuluxeriwa eka tindzimi tin’wana, kumbe yi tirhiseriwela eka nkwama lowu wu nga pfumeleriwa handle ka nhlamuselo leyi yi nga tsariwa ya ku pfumeleriwa hi Voice Of God Recordings®.

Vuxokoxoko byo tala kumbe nhundzu yin’wana leyi yi nga kona, mi komberiwa ku ti hlanganisa na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org